

# Uko Malayika Yansanze, N'Ubutumwa BWE

Chicago, Illinois, USA

17 Mutarama 1955

1 Kandi benedata bashobora kuba wenda... Kandi ndabona udufatamajwi twinshi hano, kandi, nta gushidikanya, tugiye gufata ibi amajwi. Niba mushaka kumenya neza neza icyo Mwuka Wera yababwiye, murabona aba benedata bafite udufatamajwi, uzashobora kongera kuhumvira neza neza ibywae ibyo ari byo. Witegerez maze urebe niba ibyo bitazasohora neza neza nk'uko Yabivuze, urabona. Iyo wumvise Ivuga iti: "NI KO UWITEKA AVUZE, ikintu runaka, cyngwa ko ikintu kimeze gitya", cyangwa... Nimugenzure ibyo bintu maze murebe niba ari byo cyangwa atari byo. Murabona? Bizahora biri nk'uko byatangajwe.

2 Noneho, nk'igisomwa gito... Kandi muri uyu mugoroba, nejejwe n'uko turi umukumbi muto gusa hano. Turi mu muryango, si byo? Nta bwo turi abanyamahanga, nta n'umwe muri twe. Nta bwo... Noneho nshobora gukoresha ikibonezamvugo cya Kentucky maze nkumva nguwe neza by'ukuri, kuko byonyine turi... Kandi simvugiyi ibi gusebya Kentucky, buriya, niba hari umunyakentucky hano. Haba hari umunyakentucky hano? Zamura ikiganza. Vuga rero! Mfite by'ukuri ikingusha neza, si byo? Mu by'ukuri, ni byiza.

Mama yakoraga mu ihoteli. Igihe kimwe, njyanyweyo no kureba... Hari itsinda rinini ry'abagabo bari bacumbikiwe hariya, kandi imeza nini na ndende yari yatewe. Maze mvuga nti: "Ab'i Kentucky bari hano ni bangahe?" Bose barahaguruka. Rero, mvuga nti: "Mu by'ukuri, ibyo, ni byiza cyane." Abogezabutumwa bakoze umurimo mwiza, turabishimira cyane rero.

3 Noneho, mu Gitabo cy'Abaroma, mu gice cya 11, umurongo wa 28. Mukurikire noneho mutuje ugusoma kw'Ibyanditswe.

*Ku by'ubutumwa bwiza babaye abanzi b'Imana ku bwanyu, ariko ku byo gutoranywa n'Imana, bayifiteho igikundiro ku bwa ba sekuruza, kuko impano z'Imana no guhamagara kwayo bitavuguruzwa.*

Dusenge. Mwami, dufashe muri uyu mugoroba, mu gihe dutangiye ibi noneho no kubaha kwinshi, n'umutima wacu wose, n'ubunyakuri; ibi bintu bivugiwe gusa icyubahiro Cyawe. Kandi Umfashe, Mwami, kandi Ushyire mu bitekerezo byanje ibigomba kuvugwa n'ingano ngomba kuvuga byonyine. Umpagarike ubwo Uri bubone ko bikwiriye. Nsabye ngo buri mutima wakire ibi bintu mu nyungu z'abarwaye n'abakene bari muri iri teraniro. Kuko mbisabye mu Izina rya Yesu Kristo. Amina.

4 Mu by'ukuri, nashakaga ko dutangira uyu mutwe nk'uko turi bake. Kandi ndagerageza kutabaherana igihe gikabije kuba kirekire, ngiye gufasha isaha yanje hasi maze nkore rero iyo bwabaga kugira ngo mbareke mutahire igihe, kugira ngo muzashobore kugaruka ejo nimugoroba. Noneho nimusenge. Ntekereza ko umuhungu wanje ari nta dukarita tw'abasengerwa yatanze. Sinamubajije niba ya-... Kandi nta cyo bihinduraho niba ari nta byo bakoze, cyangwa ahubwo niba barabikoze cyangwa batarabikoze. Dufite udkarita hano, uko biri kose, niba tugomba kuduhamagara. Rero, bitabaye ibyo, mu by'ukuri, turi bubone icyo Mwuka Wera ari buvuge.

Noneho, waba ushaka gukurikira utuje... Ni byiza, wasanga ibi... mu gihe ngi-... Turi bake beza hano, ni cyo gihe cyo kuvuga ibi, kuko ari ibirebana n'ubuzima bwanje bwite. Kandi ni yo mpamvu nasomye iyi mirongo y'Ibyanditswe muri uyu mugoroba, kugira ngo mubashe kubona ko impano n'imihamagaro atari ingororano.

5 Pawulo, avuga hano, yavuze ati: "Abayuda, ku birebana n'Ubutumwa Bwiza, barahumye kandi bajya kure y'Imana, ku bwacu." Ariko ku murongo ubanza, handitse hati: "Isirayeli izakizwa yose." Isirayeli izakizwa yose. Ku birebana n'itoranya, Imana Data wa twese yarabakunze, kandi Ibahuma kugira ngo twebwe, abanyamahanga, tubashe kugera ku kwhiana maze rero, binyuze kuri Aburahamu, Imbuto ye ibashe guha isi yose umugisha, nk'uko Ijambo Ryayo rivuga. Waba ubona uburyo ukuganza Kw'Imana gukora? Ijambo Ryayo rigomba gusohora bitagira akabuza. Nta kundi byamera. None ubu, twebwe, binyuze... Imana yaradutoranije; Itoranya Abayuda, kandi Yara-...

6 Ibyo byose, ni ukumenya ibintu mbere kw'Imana. Ubwo Yabitangazaga, Ikavuga ibyajyaga kuba, Yari ibizi mbere y'uko biba. Nyamara, Imana, ikiyigira Imana, Yagombaga kumenya iherezo uhoreye mu itangiriro, bitaba ibyo Ikareka kuba Imana itagira aho igarukira. Nta n'umwe Imana ishaka ko arimbuka. Ariko mu ntangiriro y'intangiriro y'ibihe, mu isi, Imana yari izi neza uwajyaga n'utarajyaga gukizwa abo ari bo. Nta bwo Yashaka ko abantu barimbuka, "kurimbuka kw'abantu si ubushake Bwayo, ahubwo ubushake Bwayo ni uko hatagira n'umwe urimbuka." Gusa, Yari izi uhoreye mu ntangiriro uwajyaga n'utarajyaga gukizwa. Ni yo mpamvu yashoboraga kuvuga mbere y'uko ibintu biba iti: "Kiriya kintu kizaba", cyangwa ati: "Iki kizamera kuriya." Urabona?

7 Yashoboraga kubimenya mbere y'igihe, kuko Itagira aho igarukira. Niba uzi icyo bishaka kuvuga, ni uko byonyine ari "nta cyo Itazi." Urabona, Irazi. Mu by'ukuri, nta na gito, cya mbere y'uko igihe kibaho, habe n'icya nyuma, ubwo ari nta gihe kizaba kikiriho, urabona, byongeye kandi kuboneka, Izi byose. Byose biri mu bitekerezo Byayo. Kandi rero, nk'uko byavuzwe na Pawulo, mu Baroma, mu bice bya 8 na 9

hati: "Rero, kuki Ikgaya?" Rero, turabona ibyo, ariko ni Imana...

Ni nko kubwiriza Ubutumwa Bwiza. Hari uwavuze ati: "Mwenedata Branham, waba ubyizeye?"

Mvuga nti: "Nimurebe."

Avuga ati: "Ugomba kuba uri umukaluviniisite."

Mvuga nti: "Ndi umukaluviniisite igihe cyose ubukaluviniisite buzaba buri muri Bibiliya."

Mu by'ukuri, hari ishami ry'Igiti ry'ubukaluviniisite, kandi hari n'andi mashami y'icyo Giti. Igiti gifite amashami arenze rimwe. Yashakaga gukomereza ibyo mu Mutekano w'Iteka, kandi nyuma y'agahe gato barayoba bakisanga mu mpuzamadini y'isi yose, kandi ahantu runaka barayoba ubuziraherezo. Ariko iyo ugeze ku iherezo ry'ubukaluviniisite, garuka maze uhagurukire mu ruhande rw'imyizerere ya kinyaruminiyani. Urabona, hari irindi shami kuri icyo Giti, n'irindi shami kuri icyo Giti, komeza byonyine. Ni ibyo byose muri rusange bigize icyo Giti. Ni yo mpamvu, nizera ubukaluviniisite igihe cyose buzzaba buri mu Byanditswe.

8 Kandi nizera ko Imana yari izi, mbere y'uko isi ishyirirwaho urufatiro, yatoranirije Itorero Ryayo muri Kristo, kandi Itamba Yesu Kristo mbere y'uko isi ishyirirwaho urufatiro. Ibyanditswe bivuga biti: "Yari Umwana w'intama w'Imana watambwe isi itarashyirirwaho urufatiro." Urabona? Kandi Yesu avuga ko Yari atuzi mbere y'uko isi ishyirirwaho urufatiro, Pawulo avuga ko "Yari ituzi ndetse Idutoraniriza kuba abana Bayo binyuze muri Yesu Kristo, na mbere y'uko Irema isi." Iyo, ni Imana. Uwo ni Data wa twese. Urabona?

Rero, wigira ikiguhangayikisha, imitende irikaraga neza cyane, ikintu cyose gisohorera igihe. Gusa igikwiriye, ni ukwinjira mu kuyega. Kandi ibyo ni byo byiza, ni bwo umenza kugenda, iyo winjiye mu kuyega.

Ni byiza, nimwitegerezze noneho: "Impano n'imihamagaro ntibivuguruzwa." Ni cyo kintu rukumbi cyanshoboje kubona mu buryo bwa Bibiliya umuhamagaro wanaye mu Mwami, ni ibyo. Mfite ikizere ko nshagawe n'incuti muri uyu mugoroba, ziri busobanukirwe ibyo bidashidikanya kandi ntiziri butekereze ko ari ikintu cy'umwihariko, ahubwo ni ukugira ngo mubashe kubisobanukirwa, no kumenya neza icyo Umwami yavuze ko Yajyaga gukora, kugira icyo ubona kiyega maze ukagikurikira hanyuma ukakinjiramo.

9 Rero, mu ntangiriro, icya mbere nibuka, ni iyerekwa. Icyu mbere nshobora kwibuka, ni iyerekwa nahawe n'Umwami. Kandi hashize imyaka myinshi, nari nkiri akana. Nari mfite akabuye mu ntoki.

Mu by'ukuri, mbasabye imbabazi, ndibuka igihe nambaraga ikanzu ndende. Sinzi niba mwebwe, niba muri mwe hari umuntu ukuze bihajje byo kwibuka igihe abana b'abahungu bambaraga, yego, amakanzu maremare? Mu by'ukuri, ndibuka, mu karuri kanjee gashaje, hariya twabaga, ko nakambakambaga. Kandi umuntu umwe, sinzi uwo ari we, yarinjiye. Kandi mama yari yarataye agashumi k'ubururu ku ikanzu yanaye. Nari ntaramenya kugenda, naragwaguzaga. Nari ngikambakamba, kandi nashoraga ikiganza ku rubura rwabaga ruri ku birenge byabo maze nkarya urubura rwo ku birenge bye, mu gihe yabaga ahagaze iruhande rw'iziko yota. Ndibuka ko mama yanteruye mu buryo butunguranye ku bw'ibyo.

10 Kandi ikintu gikurikiyeho nibuka, bigomba kuba ari imyaka ibiri yakurikiyeho, nari mfashe akabuye. Ngomba kuba nari mfite nk'emyaka itatu, icyo gihe murumuna wanaye, yari ataruzuza imyaka ibiri. Rero, twari hanze, inyuma mu kibuga, mu kibuga gishaje aho basirizaga inkwi, aho bazanaga ibiti kubyasiriza. Ni bangahe bibuka icyo gihe, ubwo bakururaga ibiti bakabigeza mu kibuga cy'inyuma ngo babyase? Kuki rero nambaye karovati, muri uyu mugoroba? Mu by'ukuri, ndi mu muryango.

Rero, ubwo ba-... Hariya, mu kibuga gishaje aho basirizaga ibiti, hari akagezi katembaga, katurukaga ku isoko. Twari dufite uruho rushaje twakoreshaga nk'umudaho, hariya ku isoko, twadahaga amazi maze tukayasuka mu ndobo ishaje, indobo ishaje ikoze mu giti cy'umwerezzi, hanyuma tukayatahana.

11 Ndibuka incuro ya nyuma mbona nyogokuru, mbere y'uko apfa; yari yujuje imyaka ijana na cumi. Kandi ubwo yapfaga, namufashe mu maboko yanaye, kandi namufashe ntya, agiye kutuvamo. Yarampobeye maze ambwira ati: "Imana ihe ubugingo bwawe umugisha, mukundwa wanaye, uhoreye none ukageza iteka ryose", ubwo yapfaga.

Kandi sintekereza ko, mu buzima bwe bwose, uwo mubyeyi yaba yarigeze gutunga inkweto ze bwite. Ndibuka ko namubonaga maze no kuba umusore, narabasuraga - buri gitondo yarabyukaga maze, ibirenge bitagira agakweto, akajya mu rubura kuvoma ku iriba, hanyuma akagaruka, ibirenge byuzuye urubura. Rero, nta byabatwara, yaramye igihe cy'emyaka ijana na cumi. Rero, yego mugabo, yari akiri injege.

12 Rero, ndibuka ko yashakaga kumbwira amabiye ya data, ayo yakinaga akiri umwana. "Uyu mukecuru, ni ko nibwiraga, aragera ate mu kigega?" Kari akaruri gashaje k'utwumba tubiri, gafite ikigega hejuru yako. Bari baraciye ibiti bibiri bikiri bito, maze babikoramo urwego burira rukabagezayo. Mu by'ukuri, mvuga...

Ni byiza, rero, avuga ati: "Ni byiza, nyuma y'ifunguro, ndakubwira iby'amabiye ya so."

Maze mvuga nti: "Biranyuze."

Yashakaga rero kuyanyereka, yari ari hariya mu gisanduka, aho yari yarashyinguye ibantu bye nk'uko abasaza bagenza. Maze nibwira nti: "Ariko, ni gute uyu mukecuru ari butere uru rwego?" Rero, ndegera maze mvuga nti: "Nyogoku..." ni ko namubwiye, guma aho, mukundwa, ngiye kurira ngo ngufashe.

Ambwira ati: "Igitayo." Yurira urwo rwego nk'agakima. Avuga ati: "Noneho, ngo ino!"

Maze mvuga nti: "Ni byiza cyane, Nyogoku..."

Nibwira nti: "Mbega byiza! Iyo mba byonyine nashoboraga kumera ntya, gukomera ntya ku myaka ijana na cumi!"

13 Rero, ndibuka ko nari ndi kuri kariya gasoko, kandi nari mfite akabuye najugunyaga ntya mu byondo, ngerageza kwereka murumuna wanje ko nari nkomeye. Kandi hari inyonu yari ihagaze mu gitu, kandi yarajwigiraga, iguruka hirya no hino, ifundi cyangwa indi nk'iyo. Kandi iyo fundi, natekereje ko yamvugishaga. Nahindukijwe no gutega amatwi, maze iyo nyoni irigurukira; hanyuma Ijwi rimbwira riti: "Uzamara igice kinini cy'ubuzima bwawe hafi y'umurwa witwa New Albany."

Ni ku birometero bitanu uvuye aho narerewe. Twimukiye nko mu gihe kitarengeje umwaka, ntarigeze ntekereza ko twajyaga kujujayo... New Albany. Ubuzima bwanje bwose, ibyo bintu...

14 Noneho, mutege amatwi. Abagize umuryango wanje nta ho bari bahuriye n'iyobokamana. Data na mama nta rusengero bari bazi. Mbere y'ibyo, bari abagatolika.

Umuhungu wacu muto ari ahantu hamwe hano muri uyu mugoroba, ni ko ntekereza, nta byo nzi. Ni umusirikare. Ndamusengera. Ubwe ni umugatolika, aracyari umugatolika. Kandi ejo ninjoro, ubwo yari ari hano, yavuze ati: "Data wacu Bill?" Yabaye hakurya y'amazi igihe kirekire, yavuze ati: "Ubwo nabonaga ibyo..." Yavuze ati: "Ibyo nta biba mu idini gatolika." Avuga ati: "Data wacu Bill, nemera ko uri mu kuri".

Hanyuma mvuga nti: "Mukundwa, si njye uri mu kuri, ni We uri mu kuri. Urabona, ni We uri mu kuri." Rero, avuga... Mvuga nti: "Noneho, singusabye gukora iki cyangwa kiriya, Melvin, ahubwo gukorera Umwami Yesu Kristo n'umutima wawe wose byonyine. Jya aho ushaka. Ariko ube udashidikanya ko, mu mutima wawe, Yesu Kristo avutse bundi bushya, urabona, mu mutima wawe. Nyuma y'ibyo, ujye mu rusengero ushatse."

15 Ni byiza, ariko abakurambere banje bari abagatolika. Data yari Umunyayirilande na mama akaba Umunyayirilandekazi. Amaraso atari amanyayirilande, ni aya nyogokuru wari Umuhindekazi Cherokee. Mama yari afite amaraso y'imvange y'amoko abiri. Rero, nda-... ku bindeba, ni... igisekuru cyacu, nyuma y'amasekuru atatu, byararangiye. Ariko ni ho honyine twari twarivanze mu masekuru y'amanyayirilande atavangiye: amazina yabo yari Harvey na Branham. Hanyuma, mbere y'aho, habayeho Lyons, rikiri irinyayirilande. Kandi bari abagatolika. Na ho njye, tukiri abana, nta nyigisho y'iyobokamana twigeze tubona habe na busa.

Ariko izo mpano, ayo mayerekwa, nari mfite amayerekwa kiriya gihe, nk'uko nyafite none, ni ukuri, kuko impano n'amahamagarwa bitavuguruzwa. Ni ukumenya ibantu bitaraba kw'Imana, ni Imana igira icyo ikora. Ubuzima bwanje bwose, nagiraga uwuba bwo kubivuga.

16 Mwasomye amateka yanje mu gatabo kitwa "Yesu Kristo uteze guhinduka." Ntekereza ko kari muri bimwe mu bitabo, muri ibyo bitabo. Byaba ari ibyo, Gene? Ese kaba kari muri ibi, mu gitabo gisanzwe, mu gitabo dufite ubungubu? Ese byaba ari "Amateka y'ubuzima bwanje"? Ntekereza ko ari ibyo. Rero, iyo dufite... None se ntibiteye uwuba? Ibitabo byanjye bwite, kandi nta byo nigeze nsoma ubwanje. Ahubwo, ni undi ubyandika: rero, ni ikintu bazana mu materaniro. Nabaye muri ibyo bintu, rero, mpora ntegereeje ko hari ikindi kiba. Rero, bameze neza cyane, nabisomyemo ibice, hano na hariya, ubwo nabiboneraga igihe.

17 Rero, ibihe byose ubwo nari nkiri umwana muto, muzi ibyo nabwiwe mu iyerekwa, ubwo ntari ndengeje imyaka irindwi, maze nkabwirwa nti: "Ntukanywe inzoga, ntukanywe itabi, kandi ntukiyanduze mu buryo bumwe cyangwa ubundi, hari umurimo uzansohoreza aho uzakurira." Kandi mwumvise ibyo bivugwa mu gitabo. Mu by'ukuri, ni byo. Ubuzima bwose, ntibyaretse kumbaho.

18 Ubwo nahindukaga umubwirizabutumwa, mu by'ukuri, rero ibyo byatangiye kumbaho buri gihe by'ukuri.

Kandi mu ijoro rimwe, nabonye Umwami wacu Yesu. Mvuze ibi mbiherewe uruhushya na Mwuka Wera, ni ko ntekereza. Marayika w'Umwami waje aho ndi si Umwami Yesu. Ntasa na We, nshingiye kuri iryoyerekwa. Mu by'ukuri, mu iyerekwa nabonyemo Umwami Yesu, Yari Umugabo mugufi. Ntiyari... Nari nagiye mu gisambu, gusengera data. Naragarutse, njya kuryama, kandi muri iryoyerekwa, naramurebye maze mvuga

nti: "Mana, mukize!"

19 Mama yari yaramaze gukizwa kandi nari naramubatije. Maze nibwira nti: "Yoo, data ni umusinzi." Kandi nibwiye nti: "Iyo mba byonyine nari nshoboye kumufasha kwakira Umwami Yesu!" Narasohotse, nirambika ku rutara rushaje kandi ruto rware mu cyumba cyo mu muryango.

Hanyuma numva Ikintu runaka kimbwira kit: "Baduka." Maze ndabyuka, ntangira kugenda, nsubira mu gisambu inyuma yanje, mu murima wa jene (genets).

Kandi aho, ahatarenegeje metero eshatu uvuye aho nari ndi, hari Umugabo. Yari yambaye umwenda w'igitare, yari Umugabo mugufi: yari asobekeranije amaboko atya. Yari afite ubwanwa ahubwo bugufi. Imisatsi Ye yamushokaga kugeza ku ntugu. Kandi Yarebaga ku rundi ruhande ntarimo, atya. Ishusho ituje. Ariko sinashoboraga gusobanukirwa uburyo ibirenge Bye kimwe cyajyaga inyuma y'ikindi. Kandi umuyaga warahuhaga. Umwambaro We warahuhutwaga, kandi ibyo biti bya jene byarizunguzaga.

Nibwira nti: "Ni byiza, akanya gato." Ndiruma. Mvuga nti: "Mu by'ukuri, nta bwo nsinziriye." Maze ndashikuza, manyura agace ka jene, urabizi, harimo ikimeze nk'agati k'akihaganyuzo. Ngashyira mu kanwa kanje. Ndeba mu kerekezo cy'i muhira. Mvuga nti: "Oya, nari hariya, nsengera data, maze Ikintu kimwe kimbwira kuva hano, none dore uriya Mugabo uhagaze hariya."

20 Nibwira nti: "Wagira ngo ni Umwami Yesu." Nibwira nti: "Ndibaza niba ari We." Yarebaga neza neza mu kerekezo cy'aho inzu y'iwacu iri ubu. Rero, nagiye muri uru ruhande kugira ngo ndebe niba nabasha kumubona. Kandi nashoboraga kumubona umusaya, gutya. Ariko Ya... Byabaye ngombwa kumuzenguruka Wese muri uru ruhande kugira ngo mbashe kumubona. Ndahigima! Ntiyaneganyega habe na busa. Nibwira nti: "Ntekereza ko ngiye kumuhamagara." Maze mvuga nti: "Yesu." Hanyuma Arahindukira ngo Arebe, Atya. Nta kindi nibuka, Yateze amaboko byonyine.

Nta munyabugeni waboneka mu isi washobora gushushanya uko namubonye, ishusho y'isura Ye. Ihebuje izindi nabonye, ni uriya Mutwe wa Kristo ku myaka mirongo itatu n'itatu, wa Hofmann, ndayihorana mu mfashanyigisho zanje zose n'ibyo nkoresha byose. Ni uko bisa n'ifoto Ye by'ukuri.

Wagira ngo ni Umugabo, Abaye avuze, byaba imperuka, kandi nyamara, Yuzuye urukundo n'ubugwaneza ku buryo wa... Nituye hasi nk'upfuye byonyine. Hanyuma bukeye, mu museke, ikote ryanje ry'umwambaro uraranwa ryajandamye mu marira, ngaruye ubwenge; nagendaga mu murima wa jene ngo nsubire i muhira.

21 Nabwiye ibyo incuti yanje y'umubwirizabutumwa. Ivuga iti: "Billy, Ibyo bizakugira umusazi." Avuga ati: "Ibyo ni ibya Satani." Kandi avuga ati: "Ntukagire aho uhurira na mba n'ibyo." Icyo gihe, nari umubwirizabutumwa w'umubatisite.

Mu by'ukuri, nagiye kureba undi wo mu ncuti zanje za kera. Ndicara maze ndabimutekerereza. Mvuga nti: "Mwenedata, urabivugaho iki?"

Avuga ati: "Mu by'ukuri, Billy, ngiye kukubwira." Avuga ati: "Ntekereza ko ikigukwiye ari uko wakomeza kubaho ubuzima butunganye, bwo kubwiriza ikiri hano muri Bibiliya, ubuntu bw'Imana n'ibindi. Njye, mu mwanya wawe, sinakurikira ikintu kidafututse, ikintu nk'icyo."

Mvuga nti: "Wa mugabo we, sinshaka gukurikira ikintu kidafututse." Mvuga nti: "Ndashaka gusa kumenya ibyo ari byo."

Avuga ati: "Billy, hashize imyaka myinshi, ibyo bantu byigeze kubaho mu nsenger. Ariko, ubwo intumwa zavaga mu isi, ibyo bantu byarangiranye na zo." Arakomeza ati: "Noneho ikintu rukumbi dufite cyo... ababona ibyo bantu, ni abakonikoni, amadayimoni."

Mvuga nti: "Yoo, Mwenedata McKinney, urumva ukomeje?"

Avuga ati: "Cyane."

Mvuga nti: "Mana, mbabarira!"

Mvuga nti: "Yoo, Mwenedata McKinney, waba ushaka - waba ushaka kwifatanya nanje mu isengesho kugira ngo Imana itemera ko ibyo bimbaho? Uzi ko nyikunda, kandi sinshaka kuba mu buyobe n'ibyo bantu." Mvuga nti: "Sengana nanje"

Avuga ati: "Ngiye kubikora, Mwenedata Billy." Hanyuma, turasenga, aho nyine mu icumbi ry'umushumba.

Icyo kibazo nakabajije ababwirizabutumwa bensi. Igisubizo cyakomeje kuba kimwe. Rero, nari mfite ubwoba bwo kubaza icyo kibazo, kuko bari bagiye gutekereza ko ndi idayimoni. Sinashakaga rero kuba icyo. Nari nzi ko hari icyari cyabereye mu mutima wanje. Kandi sinashakaga kuba icyo, habe na busa.

22 Rero, nyuma y'imyaka mike, numvise, igihe kimwe, mu Rusengero rwa Mbere rwa Kibatisite, urwo nigeze kubarizwamo, hari uwo numvise avuga ati: "Umva! Wakagombye kuba waragiye hariya, kumva bariya bera b'abanyabikabyo ejo nimugoroba."

Maze ntekereza nti: "Abera b'abanyabikabyo?" Yari incuti, Walt Johnson, umuririmbyi w'ijwi ryo hasi; maze mvuga nti: "Byari ibiki, Mwenedata Walt?"

Avuga ati: "Itsinda rya bariya bapantekote."

Mvuga nti: "Iki?"

Avuga ati: "Abapantekote." Avuga ati: "Billy, iyo uba wari ubibonye, bigaragura hasi, batya, kandi bagasimbagurika." Kandi avuga ati: "Bavugaga ko byari bikwiye ko bagira icyo bavuga mu rurimi rutumvikana, bitaba ibyo, bakaba badakijijwe."

Maze mvuga nti: "Ni ahagana he?"

Avuga ati: "Yoo, ni iteraniro rito riri munsi y'ihema, hariya, ku rundi ruhande rwa Louisville. Ni abirabura, ntibitangaje."

Maze mvuga nti: "Yego, yego!"

Hanyuma avuga ati: "Hari abazungu benshi hariya."

Mvuga nti: "Ese na bo babikoraga?"

Avuga ati: "Yego, yego! Na bo babikoraga."

Mvuga nti: "Ntibyumvikana, kuvuga ko hari abantu bivanga n'ibantu nk'ibyo."

Mvuga nti: "Mu by'ukuri, nkeka ko tugomba kwitega ibantu nk'ibyo." Cyari igitondo cyo kucyumweru, sinteze kukibagirwa. Yaryaga agace k'igishishwa cy'icunga kumishijwe, kuko yari afite ikibazo cy'igogora, ndamubona nk'aho byari ejo. Hanyuma nibwira nti: "Kuvuga mu ndimi, gusimbagurika, ni yobokamana ki bazagira, nyuma y'ibi?" Rero, nikomereza urugendo.

23 Nyuma y'igihe runaka, nahuye n'umusaza, ushobora kuba ari hano mu rusengero none aha, cyangwa yari ari hano mu rusengero, kandi yitwa John Ryan. Namusanze ahantu runaka... Uwo musaza afite ubwanwa burebure n'imisatsi miremire, ashobora kuba ari hano. Natekerezaga ko yari uw'i Benton Harbor, uwo mu Nzu ya Dawidi, itari kure y'aha.

Kandi bari bafite aho bateranira i Louisville; nageragezaga kubona abo bantu, bitaga ibyo Ishuri ry'Abahanuzi. Nibwira rero ko najyaga kujya kureba ibyo ari byo. Mu by'ukuri, nta muntu nabonye wigaraguraga hasi, ahubwo bari bafite imygishirize idafututse. Kandi aho ni ho nasanze uwo musaza, hanyuma antumira mu rugo iwe.

Ni ho nagiye kuruhukira. Kandi igihe kimwe ubwo nari ndi hariya, nasubiye iwe, ariko yari yamaze kuhava, yari yaragiye i Indianapolis. Umugore we ambwira ati: "Uwiteka yaramuhamagaye."

Mvuga nti: "Urashaka kuvuga ko ureka umuntu nk'uriya akagenda atyo?"

Avuga ati: "Yoo! Ni umugaragu w'Imana!" Uwo mubyeyi, naje kumenya ko hashize ibylumweru bike yitabye Imana. Kandi yamwitagaho cyane. Mbega byiza! Dore umugore w'intangarugero! Ni ukuri. Yaba ari mu kuri cyangwa atakubamo, ari mu kuri uko biri kose! Mvuga... Mu by'ukuri, nari nziko ba-..."

24 Nyamara, a-... Mwenedata Ryan, waba uri hano? Ntawe uhari. Yari ahari kiriya gihe, si byo, ncuti?

Mu by'ukuri, babeshwagaho n'ibyo bashoboraga kwishakira, kandi nta cyo yari afite cyo kurya mu rugo. Ni ukuri. Nari narobye amafi make mu cyuzi, cyangwa mu kiyaga, muri Michigan, kandi nari nagarutse iwabo. Kandi nta mavuta y'ingurube bari bafite mu rugo, cyangwa ikinure, byo gutekesha amafi. Maze mvuga nti: "Yagiye ari nta cyo asize mu rugo?"

Avuga ati: "Yoo! Ariko ni umugaragu w'Imana, Mwenedata Bill!" Avuga ati: "Ya-..."

Maze nibwira nti: "Mu by'ukuri, Imana iguhe umugisha." Mwenedata, ngiye kugushyigikira byimazeyo. Ni ukuri. "Niba wubaha umugabo wawe utyo, niteguye kugutera ingabo mu bitugu maze nkabigushyigikiramo." Ni ukuri. Dukeneye abagore benshi nka we none, n'abagabo benshi baha abagore babo agaciro. Ni ukuri. Amerika yaba ari ahantu hahebuje ahandi ubwiza abagabo n'abagore babaye bunze ubumwe batyo. Baba mu kuri batakubamo, nimugumane na bo. Nta gusenyuka kw'ingo kwafata intera iteye inkeke nk'uko tubibona.

25 Rero, tujya... Hanyuma, nikomereza urugendo. Kandi, nk'uko nari ndi mu nzira ntashye, biratangaje, nanyuze i Mishawaka. Hanyuma, mbona utumodoka duhagaze mu gahanda, tukaba twari twanditseho

ngo: "Yesu wenyine". Za Cadillac, za Ford umuderi wa T, n'ibindi, byanditseho ngo: "Yesu wenyine". Nibwira nti: "Mu by'ukuri, ndibaza ibyo ari byo."

Rero, nkurirana ibyo; maze ku iherezo, naje kumenya ko ari iteraniro ry'iyobokamana, aho hari abantu babarirwa hagati y'ighumbi na magana atanu n'ibihumbi bibiri. Kandi aho, nahumviye uburyo bwose bw'urusaku, kandi abantu barasimbagurikaga, maze bagatwarwa. Nibwira nti: "Umva, aha ni ho ngiye kubonera icyo abera b'abanyabikabyo ari cyo."

Rero, nari mfite Ford yanje ishaje, murabizi, navugaga ko yagenderaga ku bilometero 50 mu isaha, 15 muri iki cyerekezo, 15 nzamuka na 15 manuka, muri kiriya cyerekezo. Hanyuma nyihagarika ku ruhande rw'umuhanda, nda... ubwo nabonaga aho kuyihagarika, hanyuma nongera kumanuka agahanda n'amaguru. Ndjinjira, nitegerez ahanzengrutzse, kandi abashoboraga guhagarara, barahagararaga. Nagombaga kureba hejuru y'imitwe yabo. Barasakuzaga, bagasimbagurika, bakitura hasi, bagatwarwa. Nibwira nti: "Fiyu! Mbega abantu!"

26 Ariko uko narushagaho kuguma aho, ni ko narushagaho kugubwa neza. Nibwira nti: "Nta kitagenda kuri aba bantu. Si abasazi." Ntangira kugira abo mvugisha muri bo, rero bari abagwaneza bya cyane. Hanyuma mvuga...

Ni byiza, rero, nagiye gutterana na bo maze ngumayo muri uwo mugoroba wose muri iryo joro, na bukeye bwaho nsubirayo. Mwumvise mbivuga mu mateka y'ubuzima bwanje. Nari kumwe n'ababwirizabutumwa 150 cyangwa 200 wenda barenga ku gicaniro, kandi bashakaga ko buri wese ahaguruka maze akavuga aho aturutse. Maze mvuga nti: "William Marrion Branham, umubwirizabutumwa, Jeffersonville", ndiyicarira, "Umubatisite", rero, ndicara. Buri wese yavugaga aho yabaga aturutse.

27 Rero, bukeye bwaho mu gitondo, ubwo nageraga aho... iryo joro, nari naraye mu mirima ijoro ryose, nari naraje ipantaro yanje hagati y'intebi ebyiri za Ford yanje nk'uyitera, murabizi, kandi nda... ipantaro ishaje ikoze mu ipamba, n'agapira, murabizi. Rero, bukeye mu gitondo, nagiye mu materaniro, n'agapira kanje. Nari nagiye...

Nari mfite amadolari atatu gusa, kandi nagombaga kugura amavuta ahagije yo kungeza i muhira. Rero niguriye utugati dutangiye kuma, urabizi, ariko nta kibazo cyarimo. Nagiye kwishakira ikirahure cy'amazi ku kazu k'amazi, urabizi. Kandi bari beza bihagije. Twa tugati nari natubombetse buhoro, maze mfata ifunguro ryanje rya mugitondo.

Ni byiza, nakabaye rero narasangiye na bo, baryaga incuro ebyiri ku munsi. Ariko, nk'uko ari nta cyo nashoboraga gushyira mu gaseke k'amaturo, rero sinashakaga kubarya imitsi.

28 Rero nahageze muri icyo gitondo, bavugaga... ni ngombwa bidashidikanya ko mbatekerereza iki gice. Rero nagezeyo muri icyo gitondo, kandi bavugaga bat: "Turashaka William Branham, umubwirizabutumwa w'umusore wari ku gicaniro ejo ninjoro, umubatisite." Bavugaga bat: "Twashakaga ko ari we utugezaho ubutumwa muri iki gitondo." Nabonaga ko byari bigiye kunkomerera, hamwe na ririya tsinda ry'abantu, kuba nari umubatisite. Rero, ahubwo nihishe mu ntebe yanje. Nari nambaye ipantaro ikoze mu ipamba n'agapira, urabizi, kandi bari bambaye umwenda wa kinyedini, rero... Nicaye hasi mu ntebe yanje nihisha, ntya. Rero, abaza incuro ebyiri cyangwa eshatu. Kandi nari nicaye iruhande rwa mwenedata w'umwirabura.

Impamu amateraniro yabo yari yabereye mu majyaruguru, ni uko kiriya gihe hari ivanguramoko mu majyepfo. Rero ntibashoboraga kugira amateraniro mu majyepfo.

Rero, nibazaga icyo "Yesu wenyine" byari cyo. Nibwira nti: "Kuba ari ibya Yesu, nta kibazo. Rero, nta cyo bitwaye byaba... uko byagenda kose, kuba ari We."

29 Rero, nagumye nicaye akanya gato, mbitegerez; hanyuma, bakomeza guhamagara incuro ebyiri cyangwa eshatu. Maze uwo mwenedata w'umwirabura arandeba, avuga ati: "Hari uwo waba uzi?" Mbu-... Mbura icyo nsubiza. Sinashoboraga kubeshya uwo muntu, nta byo nashakaga.

Mvuga nti: "Umva, mwenedata. Yego, ndamuzi."

Avuga ati: "Jya kumushaka."

Mvuga nti: "Mu by'ukuri, ngiye kukubwira, mwenedata, ni njye. Ariko, urabona, umva, nda... iyi pantaro ikoze mu ipamba."

-Zamuka ku gicaniro.

Maze mvuga nti: "Oya, sinshobora kuzamuka ku gicaniro muri iyi pantaro imeze itya, n'aka gapira."

Avuga ati: "Aba bantu ntibitaye ku myambarire yawe."

Mvuga nti: "Mu by'ukuri, tega amatwi, ntugire ijambo uvuga. Uranyumva?" Mvuga nti: "Urabona,

nambaye iyi pantaro ikoze mu ipamba, sinshaka kuzamuka ku gicaniro."

Bavuga bati: "Nguyu! Nguyu!"

Mbega byiza! Nari natukuriye, urabizi; kandi nta karovati nari nambaye, urabizi; kandi n'ako gapira, urabizi, n'utuboko tugufi dutya. Narazamutse hariya, n'amatwi andya. Nari ntaregera mikoro.

30 Rero, ubwo, ntangira kubwiriza, maze mfata Ibyanditswe, sinteze kuzabyibagirwa: "I kuzimu, wa mutunzi gito yubura amaso, maze ararira." Bikunze kumbaho gufata amagambo atatu nk'ayo gusa, nk'umutwe w'ikibiriza: "Nimuze mundebera umuntu", "Waba ubyizeye?" cyangwa "Hanyuma ararira". Nicaraga nsubiramo ibi: "Nta ndabo zihari, maze ararira. Nta materaniro y'amasesgesho ahari, maze ararira. Nta bana bahari, maze ararira. Nta ndirimbo, maze ararira." Hanyuma ndarira.

Rero, aho amateraniro ahumurije, mu by'ukuri, mbega byiza! Ba-... bari banzengurutse bose; bashakaga ko njya kubwiriza mu nsengero zabo. Nibwira nti: "Wenda..." Murabona. Bari abantu beza cyane.

31 Nagendagendaga hanze. Hari umugabo wari wambaye inkweto za bote z'abakoboyi, n'ingofero nini y'abakoboyi, mubaza nti: "Ni wowe nde?"

Avuga ati: "Ndi umukuru Runaka, w'i Tegizasi (Texas)."

Nibwira nti: "Wagira ngo..."

Undi mugabo aranyegeera, yari yambaye imwe muri za pantaro za gorufu (golf) - murabizi, kera abantu bakinaga golf n'ibyo - n'agapira gakoze muri jersey. Avuga ati: "Ndi umushumba Runaka, wo muri Florida. Wakwemera kuza maze ukazabwiriza..."

Nibwira nti: "Nguwe neza by'ukuri, njye, muri aka gapantaro gakoze mu ipamba n'aka gapira. Ni byiza by'ukuri."

32 Rero, mwumvise mbatekerereza ibyo bintu mu mateka y'ubuzima bwanjye, rero ngiye gusubikira hano kugira ngo mbabwire icyo ntari nababwira. Icyo mbere, ndashaka kubasaba... Sinashakaga kubivuga. Sinari nabivugira mu ruhame, nta na rimwe mu buzima bwanjye. Niba munsezeranje ko muzankunda, kandi ko mugije kugergeza gukomeza kunkunda nyuma yo kubibabwira nka mbere yo kubivuga, nimuzamure ikiganza. Ni byiza cyane. Ni isezerano ryanyu, ngiye kubahatira kudatatira iryo sezerano.

Mu gihe nari nicaye mu materaniro muri uwo mugoroba, baririmba indirimbo bakoma mu mashyi. Kandi bararirimbaga bati: "Nzi..." Kariya karirimbo: "Nzi ko ari Amaraso, nzi ko ari Amaraso." Kandi birukaga mu tuyira, n'ibindi, barasakuzaga kandi bagahimbaza Uwiteka. Nibwira nti: "Nsanze ibi ari byiza by'ukuri." Ntangira...

33 Kandi bahoraga bavuga Ibyakozwe, Ibyakozwe 2:4, Ibyakozwe 2:38, Ibyakozwe 10:49, ibyo byose. Nibwira nti: "Yewe, ni Ibyanditswe! Nari ntarabibona mbere hose." Ahubwo, yoo, umutima wanjiye waragurumanaga, nibwira nti: "Biratangaje!" Tukibonana na bo, nari natekereje ko ari itsinda ry'abera b'abanyabikabyo, ariko nibwira nti: "Mbega byiza! Ni itsinda ry'Abamarayika." Murabona, nahise mpindura icyemezo.

Rero, bukeye mugitondo, ubwo Umwami yampaga aya mahirwe yo kujya kubwiriza, nibwiye nti: "Mbega byiza! Ngiye kwifatanya na ririya tsinda ry'abantu. Bigomba kuba ari nk'abo kera bitaga 'abatatsi b'abametodisite'. Bagiye kure biruseho", ni ko nibwiye. "Wenda ni ibi." Maze nibwira nti: "Mu by'ukuri, nda-... ndabikunda ibyo by'ukuri. Yoo, hari icyo nkunda muri bo, bicisha bugufi kandi bagwa neza."

34 Rero, hari icyo ntasobanukirwaga, ni kuriya kuvuga mu ndimi, ibyo, byarandengaga. Kandi nda-... Hari umugabo, dufate ko yari yicaye hano, n'undi hariya, kandi ni bo bari abayobozi b'itsinda. Uyu yarahagurukaga maze akavuga mu ndimi, uriya na we akazisobanura, hanyuma akavuga ibintu bireba iteraniro n'ibindi. Nibwira nti: "Mbega byiza! Fiyu, birakwiye ko mbisoma!" Rero, bikaba uruhererekane hagati yabo, biva kuri umwe bijya ku wundi; kandi buri wese yavugaga mu ndimi akanazisobanura. Abandi mu itorero na bo baravugaga, ariko wabonaga ugusobanura kutaza ku bandi nk'uko kuza kuri bariya bagabo bombi. Mu by'ukuri, nabonaga ko bari bicaranye begeranye, nibwira nti: "Mbega byiza! Nta shiti ni abamarayika!" Rero, mu gihe nari nicaye hariya inyuma...

Icyo kintu, murabizi, ko ntashoboraga gusobanukirwa, cyanzagaho. Mfite uburyo bwo kumenya ibintu bimwe niba Umwami ashaka ko mbimenza, murabizi. Kandi sina-... Ni yo mpamu mbabwiye ko ari nta byo mvugaho, sinari nabikora mu ruhame. Niba nshaka by'ukuri kugira icyo menya, mu bisanzwe Uwiteka ambwira ibyo bintu ibyo ari byo. Ni yo ntego y'impano, murabona. Ku bw'ibyo, nta wasandaza ibyo imbere y'abantu, byaba nko kujugunyira ingurube ibirezi byawe. Ni ikintu cyejejwe, cyera kandi ntawe ushaka gukora ibyo. Rero, Imana yazabimbaza. Urugero, iyo mvugishije benedata, n'ibindi, sinzashakisha uko nabona ikibi kuri mwenedata.

35 Igihe kimwe, nasangiraga n'umuntu Runaka, kandi yari anzengurukije ukuboko, avuga ati: "Yoo, mwenedata Branham, ndagukunda." Kandi nakomezaga kumva ikintu kiyega. Ndamureba. Ntiyakabaye yarambwiye ibyo; nari nzi ko ari nta byo yari yambwiye, murabona, kuko byabonekaga. Niba harabayeho indayarya, ni we, murabona, kandi yari aho, anzengurukije ukuboko.

Mvuga nti: "Ni byiza, nta kibazo", nigarayo. Nta byo nshaka kumenya. Nahitamo kumumenya mu buryo muzi, nka mwenedata, maze nkareka ibantu bikagenda bityo. Ibindi Imana izabyimenyere. Murabona? Kandi nta bwo nshaka... sinzi, sinshaka kumenya ibyo bantu.

Kandi akensi, ibyo bantu ntibibera hano mu rusengerero. Nicaye mu cyumba, nicaye mu nzu y'ifunguriro, Mwuka Wera ambwira ibigiye kuba. Hari abantu hano bazi ko ibyo bantu ari iby'ukuri. Nicaye i muhira kandi mvuga nti: "Noneho, mwitonde, hari imodoka igiye kugera hano mu kanya gato. Ni Runaka uje. Binjize, kuko ari Uwiteka wambwiye ko bajyaga kuza." "Nitumanuka agahanda, hari bube ibantu runaka. Witondere ririya sangano ry'imihanda, kuko uri bumere nk'uhakoreye impanuka." Kandi urebe niba atari ko biri bugende, urabona, buri gihe, biba bitunganye bidasubirwaho! Rero, nta bwo dushaka gukabya kubyirohamo, kuko... ni - ni... Ushobora kuyikoresha. Ni impano y'Imana, ariko ugomba kwitondera icyo uyikoresha. Imana izayikubaza.

36 Mwitegerezze Mose. Mose yari umuntu watumwe n'Imana (mwaba mubyizera?), intore, kandi yarashyiriweho mbere kuzaba umuhanuzi. Kandi Imana yamwohereje hariya. Avuga ati: "Jya kuvugisha igitare", nyuma y'aho gikubitiwe. Avuga ati: "Jya kuvugisha igitare, kandi kiri bubahe amazi."

Ariko Mose, warakaye, ajya hariya maze akubita cya gitare. Amazi ntiyasohoka, akubita bwa kabiri, avuga ati: "Mwa bagome mwe! Iki gitare ni cyo tugomba kubakuriramo amazi?"

Mwaba mubona icyo Imana yakoze? Amazi yavuyemo, ariko Yavuze iti: "Ngo ino hano, Mose." Byari byarangiye, murabona. Mugomba kwitondera ibyo bantu, rero, mu-... icyo mukoresha impano z'Imana.

Ni bimwe no ku mubwirizabutumwa, umubwirizabutumwa mwiza w'umunyembaraga, ujya kubwiriza ari nta kindi agamije usibye amaturo n'amafaranga. Imana izabimubaza. Nta kabuza. Mugomba kwitondera icyo mukoresha impano z'Imana. Kandi, cyangwa gushaka kuba ikirangirire, cyangwa kubaka izina mu rusengerero runaka, cyangwa kubaka izina. Nahitamo kugira imigoroba ibiri cyangwa itatu y'amateraniro maze nkigira ahandi, hanyuma nkibera uworoheje, nkikomereza kuba muto. Musobanukiwe icyo nshaka kuvuga. Yego, mugabo, nimugume mu mwanya wanyu, aho Imana ishobora kukugiraho ikiganza. Nimwibuke, ibivugwa hano ni iby'Ubugingo bw'imbere.

37 Rero, kiriya gihe, nibwira nti: "Mu by'ukuri, ngiye kubegera." Bariya bantu ntibari bamfutukiye, nibwira nti: "Ngiye kuvumbura ibya bariya bagabo." Nyuma y'amateraniro, nabashakiraga mu kibuga. Ndeba hose. Mbona umwe muri bo, mvuga nti: "Waramutse, wa mugabo we!"

Avuga ati: "Waramutse!" Avuga ati: "Yaba ari wowe wa mubwirizabutumwa w'umusore wabwirije mu gitondo?"

Mvuga...Icyo gihe nari mfite imyaka 23. Mvuga nti: "Yego, wa mugabo we. Avuga ati: "Wanyibutsa izina ryawe?"

Mvuga nti: "Branham." Maze mvuga nti: "Wowe se?"

Maze ambwira izina rye. Nibwiraga nti: "Mu by'ukuri, noneho, iyo aba byonyine nashoboraga gushyikirana n'umwuka we." Nyamara, sinari nzi icyakoraga ibyo. Mvuga nti: "Mu by'ukuri, yewe wa mugabo we, hano hari icyo mufite, njye ntafite."

Avuga ati: "Waba warahawe Mwuka Wera ukimara kwizera?"

Mvuga nti: "Mu by'ukuri, ndi umubatisite."

Avuga ati: "Waba warahawe Mwuka Wera ukimara kwizera?"

Mvuga nti: "Mu by'ukuri, mwenedata, ibyo bikubwira iki?" Mvuga nti: "Icyo mufite, njye nta cyo mfite, ndabizi!" Mvuga nti: "Kuko mufite ikintu runaka cy'ikinyembaraga, kandi, niba..."

Avuga ati: "Waba umaze kuvuga mu ndimi?"

Musubiza nti: "Oya, wa mugabo we."

Avuga ati: "Ngiye guhita nkubwira ko ari nta Mwuka Wera ufite."

Mvuga nti: "Niba ari cyo kirango cyo kugira Mwuka Wera, nta We mfite."

Rero avuga ati: "Mu by'ukuri, niba utavuga mu ndimi, nta We ufite."

38 Hanyuma nkomezanya na we ikiganiro ntyo, mvuga nti: "Mu by'ukuri, ni he namubonera?"

Avuga ati: "Jya muri kiriya cyumba maze utangire gushakisha Mwuka Wera."

Maze nkomeza kumugenzura, murabizi. Ntiyari azi icyo nakoraga, ariko nari nzi ko byari byamuyobeye, kuko ya... indoro ye yari itangiye guhinduka, mu gihe yandebaga. Kandi ya... Ariko yari umukristo nyakuri. Yari umukristo bidashidikanywa, ijana ku ijana. Ni ukuri. Mu by'ukuri, nibwira nti: "Icyubahiro kibe icy'Imana, birahagije! Ngomba kujya kuri kiriya gicaniro, hariya, ahantu runaka."

39 Ndasohoka, ndeba hose, nibwira nti: "Ngiye gushaka uriya mugabo wundi." Ubwo namubonaga, natangiye kumuvugisha, mvuga nti: "Waramutse, wa mugabo we!"

Avuga ati: "Niko ye, ubarizwa mu rihe dini?" Avuga ati: "Bambwiye ko uri umubatisite."

Musubiza nti: "Yego."

Kandi avuga ati: "Nta Mwuka Wera wari wabona, si byo?"

Mvuga nti: "Mu by'ukuri, nta byo nzi."

Avuga ati: "Waba umaze kuvuga mu ndimi?"

Mvuga nti: "Oya, wa mugabo we."

Avuga ati: "Nta We ufite."

Mvuga nti: "Mu by'ukuri, nzi ko ntafite icyo mwebwe mufite. Ndabizi." Hanyuma mvuga nti: "Ariko, mwenedata, ndagishaka by'ukuri."

Avuga ati: "Mu by'ukuri, urubatirizo rurahari, rurateguye."

Mvuga nti: "Narabatijwe. Ariko sindabona icyo mwebwe mufite. Hari icyo mufite nifuza by'ukuri."

Avuga ati; "Ni byiza, ni byiza cyane."

40 Nageragezaga kumufatisha, murabona. Kandi iyo... Ubwo narangizaga gufatisha umwuka we (kandi yari uwo mugabo wundi), niba narigeze kuvugana n'indyarya ruharwa, ni we! Yabanaga... Umugore we yari afite imisatsi y'injwiri; akibanira n'undi w'imisatsi y'irende kandi bafitanye abana. Kunywa, kurahira, kwiruka muri tubari, n'ibindi, nyamara akabarizwa mu rusengeri, avuga mu ndimi akanahanura.

Rero, mvuga nti: "Mwami, Mbabarira." Ndataha. Ni byo. Mvuga nti: "Ngiye byonyine gufata... Sinsobanukiwe ibi. Wagira ngo ni Mwuka w'umugisha wamanukiraga, no kuri iriya ndyarya." Mvuga nti: "Ntibishoboka! Nta kindi."

41 Rero mu gihe kirekire cyakurikiyeho, narigaga nkanarira, nibwiraga ko mbaye ngiye kubana na bo, wenda nagashoboye kuvumbura ibyo ari byo. Dore ngo haraboneka umwe muzima, umukristo nyakuri; ariko undi, indyarya butwi. Rero, nibwira nti: "Ni ibiki? Mana, wenda - wenda hari ikitagenda muri njye." Kuba ndi umufondamantalisite, mvuga nti: "Ibi... Bizambera ngombwa kubibona muri Bibiliya. Ni ngombwa."

Ku bwanje, igikoreshwa cyose, kigomba kuba kiri muri Bibiliya, atari ahantu hamwe gusa, ahubwo ugisanga hose, uhereye mu ntangiriro ukageza mu Byahishuwe. Nkwiye kubyizera. Bikwiye gusobekerana kandi bigahura neza n'Ibyanditswe, bitaba ibyo simbyizere. Hanyuma, mu by'ukuri, Pawulo yavuze ati: "N'ubwo Marayika yamanuka avuye mu Ijuru, akabwiriza ubundi butumwa, avumwe." Rero, njye, nizera Bibiliya.

Kandi mvuga nti: "Nta kindi nteze kuzabona kimeze nk'iki muri Bibiliya."

42 Nyuma y'imyaka ibiri, nyuma y'aho mpfakariye, n'ibindi, nari ndi kuri Green's Mill, mu mwiherero wanje hariya, narasengaga. Nari maze iminsi 2 cyangwa 3 mu buvumo bwanje; nari mpamaze iminsi 2. Nsohorwa no gufata akuka, ako umuntu ahumeka rimwe. Kandi ubwo nasohokaga, Bibiliya yanje yari irambitse aho, ku mpera y'umugogo w'igit, hafi y'urwinjiriro. Umuyaga wari watembagaje igit gishaje gifite ihango. Ni byiza, mwebwe... Hari ihango ryari rihagaze, ritya, na ho irindi rikaba riryamye. Nari nicaye kuri uwo mugogo, kandi nkakigaramaho ninjoro, amaso atumbiriye ijuru, atya, ikiganza cyanje kiri aha kandi rimwe na rimwe ngasinzipira hariya kuri wa mugogo, ntya, nsenga. Namaraga hariya iminsi myinshi, ari nta cyo ndya habe no kugira icyo nywa, nahatungirwaga n'amaseshgo yonyine. Hanyuma nza gusohoka mu buvumo, ngo mfate umwuka: hari hafutse kandi habombye mo imbere.

43 Rero, ndasohoka, kandi Bibiliya yanje yari irambitse aho nari nayiraje, kandi Yari ibumbuye mu Baheburayo, igice cya 6. Ntangira gusoma aho hantu: "Twiyambure... twerekeze ku gitunganye, tutongeye gushyiraho urufatiro rwo kwhana, imirimo ipfuye no kwizera Imana", n'ibindi. "Kuko ari ibidashoboka ko abamaze kumurikirwa, abamaze gusogongera impano y'Imana n'ihamagarwa", n'ibindi. Ahubwo, handitswe ngo: "Ahubwo amahwa n'ibitovu bigye kwangwa, iherezo ni... amazi... imvura ikunze kugwa ku butaka, ngo ibutegurire ikigiye kwangwa, hamwe n'amahwa n'ibitovu, ku iherezo barabitwika."

Kandi hari Icyagize kiti: "Wuuuhh!"

Nibwira nti: "Nguyu. Ngiye gutega amatwi noneho, icyo A-... Yankanguriye hano, Agiye kumpa iyerekwa none aha." Nari ntetegereje, hariya, ku mpera y'uwo mugogo, kandi nari ntetegereje. Ndahaguruka, nkora hirya nkora hino, ntera intambwe ijana. Ndahindukira, nta cyabaye. Nongeye gusubira mu buvumo bwanjye, ntihagira ikiba. Nahagaze hariya, nibwira nti: "Mu by'ukuri, ni ibiki?"

44 Nongera kugaruka kuri Bibiliya yanje, kandi, yoo, dore ngo Birantahamo. Ndayifata, maze nibwira nti: "Ni iki kirimo imbere Ishaka ko nsoma?" Nakomezaga gusoma, ibirebana no "kwhiana imbere y'Imana, no kwizera", n'ibindi, maze nkomeza gusoma, ngeza ahantu handitswe ngo: "Imvura ikunze kugwa ku butaka ngo ibutegurire icyo bwagenewe hano, ariko amahwa n'ibitovu bigiye kwangwa, iherezo ni ukubitwika." Kandi, yoo, Icyo cyaranyeganye byonyine!

Natekereje nti: "Mwami, Waba ugiye kumpa iyerekwa ry'ibyo..." Nari nagiye hariya kugira icyo mubaza.

Rero, muri ako kanya, mbona imbere yanje isi izenguruka, kandi yari ihinze yose. Maze haza Umugabo wari wambaye imyenda y'igitare, yemye, Yabibaga Imbuto, Atya. Hanyuma Amaze gutambuka, dore ngo haraza undi, wambaye iby'umukara, yagendaga yubitse umutwe, na we yabibaga imbuto. Ubwo imbuto nziza zameraga, zari ingano, kandi ubwo imbuto mbi zameraga, byari ibyatsi bibi.

45 Kandi rero, amapfa ateye ubwoba atera ku isi, maze ingano zubika umutwe, zari zigiye gupfa, zari zibuze amazi. Nabonye abantu bose, bazamuye ibiganza, basengaga ngo Imana yohereze imvura. Hanyuma mu gihe kimwe, ibicu binini biraza maze imvura igwana umuriri. Rero, ya ngano yari ihetamye iriruhutsa iti: "Ashyiii!", ihita yunamuka. Kandi icyatsi kibi, kiri kumwe na yo na cyo kivuga kiti: "Ashyiii!", kirunamuka. Nibwira nti: "Mu by'ukuri, ni ibiki?"

Rero Binza mu mutima. Ni ibyo. Ya mvura imeza ingano ni na yo imeza icyatsi kibi. Kandi wa Mwuka Wera umwe, Ashobora kumanukira itsinda ry'abantu, Ashobora guha indyarya umugisha nk'uko Awuha n'undi. Yesu yavuze ati: "Muzabamenyera ku mbuto zabo." Si ku gusakuza kwabo, si ku byishimo byabo, ahubwo "Ni ku mbuto ze uzamumenyera".

Mvuga nti: "Ngibyo!" "Nasobanukiwe, Mwami." Mvuga nti: "Rero, ni Ukuri by'ukuri." Uwo mugabo... Ushobora kugira impano utazi Imana.

46 Hanyuma numvaga ntemeranya no kuvuga mu ndimi, murabona. Ariko rero, igihe kimwe, Imana iza kubimpamiriza!

Nabatizaga abizera banje bambere ku mugezi, ku mugezi wa Ohio, maze umuntu wanje wa 17 nabatizaga, nk'uko nari ngiye kumubatiza, hanyuma mvuga nti: "Dawe, mu gihe mubatirisha, amazi, Wowe umubatirishe Mwuka Wera." Ntangira kumwibiza mu mazi.

Kandi muri icyo gihe, serwakira imanuka ivuye ku ijuru, none dore ngo uwo Mucyo uramanuka urabagirana. Amagana n'amagana y'abantu bari ku nkcombe, saa munani z'igcamunsi, mu kwezi kwa kamena. Maze Uhagarara hejuru y'aho nari ndi. Ijwi rivamo, rivuga riti: "Nk'uko Nohereje Yohana Umubatiza kumbera integuza yo kuza kwa mbere kwa Yesu Kristo, ufite U-... ufite Ubutumwa bwo guteguriza Ukuza kwa Kabiri kwa Kristo." Habuze gato ngo nicwe n'ubwoba.

47 Ubwo nageraga ku nkcombe, hari abo bantu bose bari aho, abakora mu ishongesherezo ry'ibyuma n'abandi bose, umucuruzi w'imiti, bose bari ku nkcombe. Wenda nari nabatije abantu babarirwa hagati ya 200 na 300 muri icyo gicamunsi. Kandi ubwo bankuraga mu mazi, abadiyakoni n'abandi, abantu baraje, bambaza bati: "Uwo Mucyo washakaga gusobanura iki?"

Itsinda rinini ry'abirabura bo mu rusengero rwa kibatisite Gilead Age n'abo mu rundi rwitwa Lone Star, hariya, na bensi bo mu bari hariya, bari batangiye gusakuza ubwo babonaga icyo Kintu kiba, abantu bataye ubwenge.

48 Hari umukobwa w'inkumi nageragezaga kumvisha kumanuka ngo ave mu bwato, wari yicaye yambaye utwenda bogana, umwigishakazi w'ishuri ryo kucyumweru ry'urusengero runaka, maze mvuga nti: "Margie, sohoka aho, ndakwinginze."

Avuga ati: "Billy, si ngombwa gusohoka." Mvuga nti: "Ni ukuri, si agahato, ariko mbaye wowe, nakubaha Ubutumwa Bwiza nkitaza aho babatiriza." Avuga ati: "Si ngombwa."

Maze mu gihe yari yicaye aho, asekayi mapyisi kandi anseka, kuko nabatizaga, mu by'ukuri ntiyemeraga umubatizo, rero, ubwo Marayika w'Umwami Imana yamanukaga, yabanje umutwe hasi mu bwato. Ubu uwo mukobwa abarizwa mu nzu z'abariwayi bo mu mutwe. Rero, Imana ntikinishwa. Murabona? Mu by'ukuri, bishyize kera... Inkumi y'uburanga, bishyize kera itangira kunywa, yakubiswe icupa, icupa ry'inzoga, yashwanyaguritse mu maso. Yoo, ni umuntu uteye ishozi kumubona! Kandi ibyo byarabaye buriya.

49 Hanyuma, mu buzima bwanje bwose, nabonaga ibyo, nabonaga icyo Kintu kiyega, nabonaga ayo mayerekwa, ibyo bintu byabaga. Hanyuma, bishyize kera, sinahwemaga guhangayikira Icyo, kandi bose bambwiraga ko cyari Ikintu kibi. Nagiye aho nkunda, aho mpore mu isengesho. Kandi nda-... Uko nasenga kose ngo icyo Kintu cye kunzaho, Icyo cyarazaga uko biri kose. Rero, nari... nari umurinzi w'icyanya cy'uruhi mu ntara ya Indiana. Kandi aho ngarukiye, hari umuntu wari yicaye hariya, umuvandimwe w'umucuranzikazi wo mu rusengero rwanje. Maze avuga ati: "Billy, waba uri bujyane nanje i Madisoni muri iki gicamunsi?" Mvuga nti: "Sinshobora, igikwiye ni uko najya mu cyanya cy'inyamaswa z'ishyamba."

Kandi nda-... nabaga ku ruhande rw'inzu, nakuragamo umukandara wanje w'imbunda nto yanje n'ibindi, kandi nazingaga amaboko y'ishati yanje. Twabaga mu kazu k'utwumba tubiri, kandi najyaga gukaraba no kwitegurira gufata ifunguro. Aho mariye gukaraba, nazengurukaga inzu yanje, nyura munsi y'igitu cy'umuvumu kinini, maze muri ako kanya, Ikintu runaka kivuga kiti: "Wuuuh!" Maze habura gato ngo ntakaze ubwenge. Ndareba, nari nzi ko byari bikiri Icyo.

Nicaye hasi, asimbutse rimwe, yururuka imodoka ye maze yiruka ansanga, avuga ati: "Billy, waba ugiye kuzanzama?"

Mvuga nti: "Oya, wa mugabo we."

Avuga ati: "Ni ibiki, Billy?"

Mvuga nti: "Nta byo nzi." Mvuga nti: "Ushobora kugenda, mwenedata. Nta kibazo. Urakoze."

Umuore wanje asohokana akabindi kamwe k'amazi, avuga ati: "Mukundwa, ni ibiki?"

Mvuga nti: "Nta cyo, mukundwa."

Maze, avuga ati: "Ngo ino rero, ifunguro rirateguye", hanyuma anzengurutsa ukuboko, agerageza kunyinjiza mo imbere.

50 Mvuga nti: "Mukundwa, nashakaga kugira icyo nkubwira." Mvuga nti: "Bahamagare maze ubabwire ko ntari bujyeyo muri iki gicamunsi." Mvuga nti: "Meda, mukundwa, nzi mu mutima wanje ko nkunda Yesu Kristo. Nzi ko navuye mu rupfu nkagera mu Buggingo. Ariko sinshaka ko Satani tugira icyo duhuriyeho habe na busa." Maze mvuga nti: "Sinshaka gukomeza ntya, ndi imbohe." Mvuga nti: "Mu gihe iki kintu kidahwema kuba, buri gihe, kandi ibintu nk'ibyo, ayo mayerekwa mbona, n'ibindi, gutyo. Cyangwa, icyo bishobora kuba, ibyo bintu bimbaho." Sinari nzi ko ari iyerekwa. Ibyo sinabyitaga iyerekwa. Mvuga nti: "Ubwo buryo bw'amatwarwa, sinzi ibyo ari byo. Kandi, mukundwa, ibyo sinshaka gukoraho, abantu bambwira ko ari ibya Satani. Kandi nkunda Umwami Yesu."

Avuga ati: "Yoo, Billy, Ntiwakagombye gutega amatwi ibyo abantu bakubwira."

51 Mvuga nti: "Ahubwo, mukundwa, reba abandi babwirizabutumwa." Mvuga nti: "Ibyo nta byo nshaka. Ngiye mu mwiherero mu ishyamba. Mfite amadolari agera kuri cumi n'atanu (15), wite kuri Billy." Billy yari umwana muti icyo gihe, muto cyane. Mvuga nti: "Akira... Arabahagije wowe na Billy, mu gihe gito. Bahamagare maze ubabwire ko nshobora kuzagaruka ejo, kandi ko byanashoboka kuba tuateze kongera kubonana. Ni hashira iminsi itanu ntagaragaruka, muzansimbuze undi." Maze mvuga nti: "Meda, sinteze kuzava muri ririya shyamba igithe cyose Imana izaba itaransezeranya kunkuraho kiriya kintu no kutazongera kureka kibaho ukundi." Mutekereze rero uburyo umuntu ashobora kuba injiji!

52 Kandi nagiye hariya muri uriya mugoroba. Nagiye mu karuri gashaje kugeza mu gitondo; bwari butangiye kwira. Bukeye, nari nagiye kuzamuka mu ngando yanje kuri... aharushijeho kuba kure, ku rundi ruhande rw'umusozzi, cyangwa rw'agasozi, ahubwo, maze njya mu ishyamba, hariya. Sintekereza ko ikigo cy'ubutasi FBI cyashobora kumbona hariya. Rero, aki karuri... Nari niriwe mu masengesho icyo gicamunsi cyose na mbere y'uko butangira guhumana. Narasengaga, nasomaga muri Bibiliya, ahanditswe ngo: "Umwuka w'abahanuzi agengwa na bo." Sinabashaga kubisobanukirwa. Hanyuma butangira guhumana muri ka karuri.

Ni ho najyaga nshinga imitego nkiri umusore: nari mfite urwunge rw'imatego nashinze hariya, najyaga kuroba maze nkararayo. Kari akaruri gashaje kangiritse kari kahamaze imyaka n'imyaniko. Wenda hari uwari yarahatuye, mbere y'uko kamera gatyo.

53 Rero, nari ntegereje aho, byonyine. Maze nibwira nti: "Mu by'ukuri." Saa saba z'ijoro ziragera, sasa munani, sasa cyenda, ngikora hirya ngikora hino. Nicara ku gatebe gashaje, agasanduka. Nicara aho, maze ntekereza nti: "Mana, kuki Unkoreye ibi? Dawe, Uzi ko ngukunda. Uzi ko ngukunda! Kandi sinshaka guhangwaho na Satani. Sinshaka ko ibyo bintu bimbaho. Ndakwinginze, Mana, ntukongere kwemera ko byongera kumbaho."

Mvuga nti: "Ndagukunda. Sinshaka kuuya mu muriro. Byamarira iki kubwiriza no kugeraze, no kugira umuhati wose, niba ndi mu buyobe? Si njye nnyenyine najyana kuzimu, ahubwo ibihumbi n'ibihumbi by'abandi mu buyobe." Cyangwa amagana y'abandi bantu, kiriya gihe. Maze mvuga nti... Nari mfite

umurimo ukomeye. Maze mvuga nti: "Mu by'ukuri, singishaka ko biriya bimbaho."

54 Nicara kuri ako gatebe. Kandi nari nicaye, yoo, ntya. Maze muri ako kanya, mbona Umucyo wizunguzaga mu cyumba. Ntekereje ko hari uwari uzanye isitimu. Ndeba ahanzengurutse, maze nibwira nti: "Mu by'ukuri..." None dore ngo ndawubona Wemye imbere yanje. Hari imbaho zishaje ku butaka. Kandi Wari aho, Wemye imbere yanje. Hari akagunguru gashaje, kakuweho ikigapfundikiye, mu mfuruka, ntikari gapfundikiye. Kandi buriya, hari Umucyo ku butaka, maze nibwira nti: "Mu by'ukuri, ni he? Mu by'ukuri, ibyo ntibishobora kuza..."

Nitegerez ahanzengurutse. Kandi Wari aho, hejuru yanje, wa Mucyo ari wo w'uyu, hariya hejuru yanje, uri hejuru utya. Warizunguzaga nka serwakira, nk'umuriro, mu ibara rijya gusa na simaragido, Ugira uti: "Wuuhh... wuuhh... wuuhh...!", gutya, hejuru, gutya. Maze ndareba, hanyuma ntekereza nti: "Ni ibiki?" Mu by'ukuri, Byanteye ubwoba.

55 Numva umuntu uje [Mwenedata Branham avuza urusaku rw'intambwe.-U.I.], wagendagendaga, atambaye inkweto. Kandi mbona ikirenge cy'Umugabo kinjira. Hari hijimye mu cyumba, hose usibye aho uwo Mucyo warabagiraniraga. Kandi nabonye ikirenge cy'Umugabo kinjiye. Kandi ubwo Yinjiraga mu cyumba, Yaregereye, Yari Umugabo wapimaga nk'ibiro 90. Yari yifashe neza, Asobekeraniye amaboko atya. Nyamara, nari narabonye Icyo mu ishusho ya Serwakira, nari narumvise Icyo kimvugisha, nari narabonye Icyo mu ishusho y'Umucyo, ariko bwari ubwa mbere mbona ishusho Yacyo. Icyo cyaranyegereye biruseho.

Mu by'ukuri, ncuti zanjye, ntekerezaga ko umutima wari ugiye kumvamo. Nda.... Mutekereze gato! Mwishyire mu mwanya wanje, mwakumva bimwe nanje. Wenda mwakoze inzira ndende kundusha, wenda uri umukristo kuva kera, ariko wakumva bimwe nanje. Mu by'ukuri, na nyuma y'amagana n'amagana y'amagendererwa, birandemaza buri gihe, uko Anyegereye. Rimwe na rimwe, bintera... Habura gato ngo ntakaze ubwenge bya burundi, ngacika intege cyane, akensi iyo mvuye ku gicaniro. Mbaye mpagumye igihe kirekire, natakaza ubwenge mu buryo bwuzuye. Byigeze kuba bantwara mu modoka mu masaha abiri, ntanazi aho nari ndi. Kandi sinshobora kubisobanura. Nimusome hano, muri Bibiliya, murasangamo igisobanuro, icyo ari cyo. Ibyanditswe birabivuga!

56 Rero, nari nicaye hariya kandi mureba. Nari nzamuye ikiganza ntya. Yaranyitegerezaga mu maso, n'ishusho y'igikundiro by'ukuri. Ariko Yari afite Ijwi riteye ubwoba, maze Avuga ati: "Witinya, Noherejwe mvuye mu Bwiza bw'Imana Ishoborabyose." Kandi ubwo Yavugaga, iryo Jwi, ryari rya Rindi ryahoraga rimvugisha uhereye ku myaka 2. Nari nzi ko Yari We. Nibwira nti: "Mu by'ukuri..."

Kandi tega amatwi ibyo. Noneho, nimwumve ikiganiro. Ngiye kukibatekerereza uko mbishoboye, ijambo ku rindi, kuko bitanyoroheye kubyibuka.

Mvuga... Naramurebaga, ntya. Ambwira ati: "Witinya." Yari atuje cyane, Avuga ati: "Noherejwe mvuye mu Bwiza bw'Imana Ishoborabyose ngo nkubwire ko kuvuka kwawe kwhiariye..." Murazi ibyabayebi ubwo navukaga, hariya. Uwo Mucyo wari uri hejuru yanje ubwo navukaga. Hanyuma, Avuga ati: "Ivuka ryawe ryihariye n'ubuzima bwawe batasobanukiwe byagize intego yo kwerekana ko ugomba kujya mu isi yose gusengera abarwayi." Maze Avuga ati: "Kandi uko bazaba bameze kose..." Kandi Avuga mu izina, Imana ni Yo Mucamanza wanje, Irabizi,-Avuga mu izina "kanseri". Avuga ati: "Nta na kimwe... Ni utera abantu kukwizera, kandi ukaba umunyakuri mu isengesho, nta kizahangara amasengesho yawe, habe na kanseri." Murabona? "Ni utera abantu kukwizera."

57 Hanyuma nsobanukirwa ko Atari umwanzi wanje. Yari Incuti yanje. Kandi sinari nzi niba nari ndiho nsamba, cyangwa ikirio kiba, ubwo Yanyegeraga, Atya. Mvuga nti: "Mu by'ukuri, wa Mugabo we, ndi..." Ni iki nari nzi ku birebana no gukiza indwara n'ibisa na byo, n'izo mpano? Mvuga nti: "Mu by'ukuri, wa Mugabo we, ndi umu-... Ndi umukene." Kandi mvuga nti: "Ndi hagati y'abanje. Nturanye n'abanje, b'abakene na bo. Nta shuri nakandagiyemo." Kandi mvuga nti: "Kandi sinzamenya, ntawe uzansobanukirwa." Mvuga nti: "Ntawe uzashaka - ntawe uzashaka kuntega amatwi."

Maze Avuga ati: "Nk'uko umuhanuzi Mose yahawe impano ebyiri, ibimenyetso bibiri," ahubwo, "byo guhamya umurimo we, nawe, uzahabwa bibiri, nawe uhawe ibimenyetso bibiri byo guhamya umurimo wawe." Avuga ati: "Kimwe muri byo, ni uko uzafata ikiganza cy'umuntu runaka uzasengera, icy'ibumoso, uzagifatisha icye cy'iburyo," hanyuma, Avuga ati: "rero, iturize, kandi ibyo bizagira... hari ikintu gifatika kizaba ku mubiri wawe." Kandi Avuga ati: "Hanyuma, usenge. Kandi icyo ni kigenda, uburwayi buzaba bwavuye kuri uwo muntu. Icyo ni kitagenda, musabire gusa umugisha maze wikomereze urugendo."

Mvuga nti: "Mu by'ukuri, wa Mugabo we, mfite ubwoba bwo kutemerwa."

58 Avuga ati: "Kandi ibizakurikiraho, abantu ni badashaka kumva icyo, rero bazumva iki." Avuga ati: "Hanyuma hari n'ubwo uzamenya amabanga y'imitima yabo." Avuga ati: "Iki, bazacyumva."

Mvuga nti: "Mu by'ukuri, wa Mugabo we, icyo ni cyo kimbosheje hano muri uyu mugoroba. Benedata dusangiye umurimo bambwiye ko ibyo bintu byanzagaho, ari bibi."

Avuga ati: "Icyo ni cyo cyakuzanye mu isi." (Urabona, "impano n'amahamagarwa ntibyicuzwa.") Avuga ati: "Icyo ni cyo cyakuzanye mu isi."

Hanyuma mvuga nti: "Mu by'ukuri, wa Mugabo we, bagenzi banje b'abagaragu b'Imana bambwira ko byari iby'umubi." Maze mvuga nti: "Ba-... Ni cyo kimbeshje hano, nsenga."

None dore ibyo Yambwiye. Yantekerereje ibyo Kuza k'Umwami Yesu, ubwo Yazaga ku ncuro ya mbere. Hanyuma mvuga...

59 Ikidasanzwe, ncuti zanjye... Mu by'ukuri, ngiye guhagararira hano akanya gato, nsubire inyuma. Icyanteraga ubwoba mu buryo butigeze kubaho, ni uko iyo nahuraga n'umupfumukazi, yamenyaga ko hari icyabaye. Kandi ibyo, byonyine... byendaga kunyica.

Urugero, igihe kimwe, njye na babyara banje, twatemberaga ahantu hasanzwe, kandi twari abato gusa, twaratemberaga. Rero, hari umupfumukazi wari wicaye aho, muri rimwe muri ayo mahema, umugore ukiri muto, umugore ukiri muto w'uburanga, yari yicaye aho. Kandi twagendaga twese hamwe, twanyuraga aho. Avuga ati: "Umva, wowe, ngo ino hano, akanya gato!" Maze twese uko turi batatu, turagaruka. Hanyuma atubwira ati: "Wowe, wambaye umupira usa n'imparage." Yari njye.

Maze mvuga nti: "Yego, wa mugore we?" Natekerezaga ko yashakaga kuntuma ikinyobwa cya coca-cola, cyangwa ikindi nk'icyo. Yari umugore ukiri muto, wenda utarengeje imyaka 20, cyangwa ikindi, yari yicaye aho. Hanyuma ndamwegera, mvuga nti: "Yego, wa mugore we, nakumarira iki?"

Maze avuga ati: "Umva, wari uzi ko hari Umucyo ugukurikirana? Wavukiye munsi y'ikimenyetso kihariye."

Mvuga nti: "Urashaka kuvuga iki?"

Avuga ati: "Mu by'ukuri, wavukiye munsi y'ikimenyetso kihariye. Hari Umucyo ugukurikirana. Wavukiye umuhamagaro w'Imana."

Mvuga nti: "Wa mugore we, bibwire abandi!"

Ntangira kugendera kure, kuko mama yari yarambwiye ko ibyo ari ibya Satani. Yari mu kuri. Rero nda... Byanteye ubwoba.

60 Ubwo nari umurinzi w'icyanya cy'uruhi, igihe kimwe, nari mfashe bisi. Nurira bisi. Bigaragara ko nahoraga nikanga imyuka. Nari mpagaze hariya, kandi hari umusirikare urwanira mu mazi inyuma yanje. Nari ngiye gukora irondo, nari ngiye muri pariki y'ishyamba ya Henryville, nari ndi muri bisi. Sinahwemaga kumva ibitansobanukiye, ntibyamvagaho. Ndeba ahanzengurutse, kandi hari umugore w'igipusa wari wicaye aho, wambaye neza cyane.

Avuga ati: "Waramutsel!"

Mvuga nti: "Waramutse!"

Ntekereza ko ari umugore byonyine, urabizi, wavugaga, rero, nikomereza ku-... Avuga ati: "Nifuzaga kukuvugisha akanya gato."

Mvuga nti: "Yego, wa mugore we?" Ndahindukira.

Avuga ati: "Wari uzi ko wavukiye munsi y'ikimenyetso?"

Nibwira nti: "Nongeye kandi kubona umwe muri ba bagore badafututse." Rero, nkomeza kwirebera hanze. Hanyuma, sinagira icyo mvuga, nikomereza ku-...

Avuga ati: "Nashobora kukuvugisha akanya gato?" Hanyuma nikomereza ku-...

Avuga ati: "Wikwitwara utyo."

Nikomereza byonyine kwirebera imbere yanje. Nibwira nti: "Nta kinyabupfura gihagije kirimo."

Avuga ati: "Nifuzaga kukuvugisha akanya gato."

61 Nikomereza kwirebera imbere yanje, sinashakaga kumwitaho. Nahise nibwira nti: "Ntekereza ko ngiye kumva ambwira bimwe n'abandi." Ndahindukira, ntekereza nti: "Mbega akaga! Byampinza umushyitsi, ndabizi." Mu by'ukuri, sinakundaga by'ukuri kubitekereza. Ndahindukira.

Avuga ati: "Wenda byaba byiza nisobanuye." Avuga ati: "Ndi umugenzi w'inyenyeri."

Mvuga nti: "Nibwiraga ko uri umwe muri bene abo."

Avuga ati: "Ngiye i Chicago, gusura umuhungu wanje w'umubwirizabutumwa w'umubatisite."

Mvuga nti: "Yego, wa mugore we."

Avuga ati: "Haba hari uwigeze kukubwira ko wavukiye munsi y'ikimenyetso?"

Mvuga nti: "Oya, wa mugore we." Ndamubeshya, urabona, maze mvuga... nashakaga kubona byonyine icyo yari agiye kuvuga. Maze avuga... Mvuga nti: "Oya, wa mugore we."

Kandi avuga ati: "Mbese... Ababwirizabutumwa ntibari babikubwira?"

Mvuga nti: "Nta ho mpuriye n'ababwirizabutumwa."

Maze avuga ati: "Aka si akumiro?"

Hanyuma mvuga... Ambwira... Mvuga nti: "Mu by'ukuri..."

Avuga ati: "Ni nkubwira igihe wavukiye ntibeshye, uri bunyizere?"

Mvuga nti: "Oya, wa mugore we."

Maze avuga ati: "Mu by'ukuri, nshobora kuguha igihe wavukiye."

Mvuga nti: "Nta byo nemera ibyo."

Maze avuga ati: "Wavutse tariki 6 Mata 1909, saa kumi n'imwe z'igitondo."

Mvuga nti: "Ni byo." Mvuga nti: "Ubibwiwe n'iki?" Mvuga nti: "Bwira n'uyu musirikare igihe yavukiye."

Avuga ati: "Nta byo nashobora."

Maze mvuga nti: "Kubera iki? Ubibwiwe n'iki?"

62 Avuga ati: "Umva, wa mugabo we." Avuga, ubwo yatangiraga kuvuga ibirebana n'inyenyeri, avuga ati: "Iyo myaka yose..."

Avuga ati: "Waba wibuka ubwo ya Nyenyeri yo mu ruturuturu yahingukaga, Ikayobora abanyabwenge aho Yesu Kristo yari ari?"

Nirinze icyo kibazo, urabizi, mvuga nti: "Mu by'ukuri, nta cyo nzi ku iyobokamana."

Maze avuga ati: "Mu by'ukuri, umaze kumva iby'abanyabwenge bari baje kureba Yesu."

Mvuga nti: "Yego."

Kandi avuga ati: "Mu by'ukuri, abanyabwenge, ni iki?"

Mvuga nti: "Yoo, bari abanyabwenge gusa, nta kindi mbaziho."

63 Avuga ati; "Mu by'ukuri, umunyabwenge ni iki?" Avuga ati: "Ni kimwe na njye: uwiga iby'inyenyeri, ugenzura inyenyeri, nk'uko babita."

Hanyuma avuga ati: "Urabizi, Imana, mbere y'uko igira icyo ikora mu isi, Ihora igitangaza mu kirere, hanyuma Ikacyerekana no ku isi."

Hanyuma mvuga nti: "Nta byo nzi."

Avuga ati: "Mu by'ukuri..." Avuga inyenyeri 2 cyangwa 3, dufate Marisi, Jupiteri na Venusi. Ntizari izo, ariko yavuze ati; "Zarahuye, ziritondeka maze zikora..."

Avuga ati: "Abanyabwenge baje kureba Yesu, umwe yari uwo mu nzu ya Hamu, undi akaba uwo mu wa Shemu, undi akaba uwo mu wa Yafeti."

Hanyuma avuga ati: "Ubwo bahuriraga i Betelehemu, za nyenyeri 3 z'aho bari... Umuntu wese mu isi, afite aho ahuriye n'inyenyeri."

Avuga ati: "Baza uriya musirikare, iyo ukwezi kugkiye, ko uwo mubumbe wo mu kirere ugiye, niba amazi y'inyanja atamanuka kandi ngo azamuke agengwa n'ukwezi."

Mvuga nti: "Si ngombwa ko mbimubaza, ndabizi."

Hanyuma avuga ati: "Mu by'ukuri, ivuka ryawe rifite aho rihuriye na ziriya nyenyeri."

Mvuga nti: "Mu by'ukuri, ibyo, nta byo nzi."

64 Avuga ati: "Mu by'ukuri, abo banyabwenge 3 baraje." Kandi avuga ati: "Ubwo izo nyenyeri 3, ubwo za... baturutse mu byerekezo bitandukanye, maze bahurira i Betelehemu. Kandi bavuze ko bavumbuye,

mu kungurana ibitekerezo, ko umwe yari uwo mu muryango wa Hamu, uwa Shemu n'uwa Yafeti, ba bahungu 3 ba Nowa." Hanyuma avuga ati: "Rero, baje kuramya Umwami Yesu Kristo." Kandi, avuga ati: "Mu kuvuga, bari bazanye impano bamuhaye."

Hanyuma avuga ati: "Yesu Kristo yavuze, mu murimo We, ko ubu Butumwa Bwiza ni bubwirizwa mu isi yose (amoko ya Hamu, Shemu na Yafeti), ko ari bwo Azabona kugaruka." Maze avuga ati: "Nyamara, iyo mibumbe, iyo mibumbe yo mu isanzure, uko igendagenda..." Avuga ati: "Yaritandukanije. Uhoreye icyo gihe, ntiyari yongera kumera ityo ku isi, uko mbizi. Ariko, nyuma y'amagana n'amagana y'imyaka, zimukira mu nzira y'izindi, zitya." (Niba hari umugenzi w'innyenyeri uri hano, wenda urasobanukirwa n'ibyo yavugaga, si njye.) rero mu gihe yavuga-... Avuga ati: "Zihura zitya." Kandi avuga ati: "Mu kwibuka Impano ihebuje izindi mu zigeze guhabwa inyokomuntu, ubwo Imana yatangaga Umwana Wayo, iyo iyo mibumbe yongeye guhura, mu by'ukuri, Yohereza indi mpano mu isi." Kandi avuga ati: "Wavutse ubwo zongeraga guhura. Iyo ni yo mpamvu nabimenye."

Mu by'ukuri, rero, mvuga nti: "Wa mugore we, icya mbere, nta na gato nemera muri byo. Nta ho mpuriye n'iyobokamana, nta n'ubwo nshaka kumva aho babivuga!" Nigira kure. Rero, muca mu ijambo mwamagana. Rero, ndamanuka.

65 Kandi uko... nisanze ndi kumwe n'umwe muri bo, ni cyo cyari kibaye. Kandi nibwiraga nti: "Kuki amadayimoni akora ibi?"

Hanyuma, ababwirizabutumwa, bo bavugaga bati: "Ni ibya Satani! Ni ibya Satani!" Banteye kubyemera.

Rero, iryo joro, hariya, ubwo na-... ubwo Yambwiraga ibyo, namubajije nti: "Mu by'ukuri, ni gute umuntu yasobanura ko bihora ari ibitangazamakuru byose, n'ibindi nk'ibyo, na bariya bantu bahanzweho na Satani babimbira; mu gihe abo dusangyi umurimo, benedata, bo, bambwira ko ari iby'umwanzi?"

Noneho mutenge amatwi icyo Yavuze, Uri hariya, hejuru, ku ifoto. Avuga ati: "Icyabaye kiriya gihe, ni cyo kiriho n'ubu." Kandi Atangira kunsobanurira ko, "ubwo umurimo w'Umwami Yesu Kristo watangiraga kwigaragaza, ababwirizabutumwa bavugaga ko 'Yari Belizebuli, Satani' ariko amadayimoni, yo yavugaga ko 'Yari Umwana w'Imana, Uwera wa Isirayeli'. Amadayimoni... Kandi mwitegerez Pawulo na Barinaba, ubwo bari hariya, babwiriza: 'Aba bantu bubitse isi. Ni babi, ni aba Satani.' Maze umupfumukazi umwe, hariya mu muhanda, amenya ko Pawulo na Barinaba bari abantu b'Imana, avuga ati: 'Ni abantu b'Imana batumenyesha inzira y'Ubugingo.'" Si byo? "Abakonikoni n'abapfumu, abantu bahanzweho na Satani."

66 Ahubwo duhunitswemo tewolojiya nyinshi ku buryo ari nta na gito tuzi mu by'Umwuka. Niringiye ko muzankunda nyuma y'ibi. Ariko ni ko bimeze. Ndavuga no ku by'ubupantekote! Ni ukuri. Gusakuza no kubyina hose, ntibishatse kuvuga ko hari icyo waba uzi mu by'Umwuka.

Ni umwitoto wo kwihurira n'Imana imbonankubone, ngicyo ikigukwiriye. Ngubwo uburyo bw'Itorero Imana igiye guhagurutsa, ni byo, ubwo bazateranira mu bumwe n'imbaraga, mu Mwuka.

Yarabimbwiye. Kandi Yambwiye ko abo dusangyi umurimo batari barabisobanukiwe. Kandi ubwo Yansobanuriraga ibyo byose, n'uburyo Yesu...

67 Mvuga nti: "Mu by'ukuri, ibi byo ni ibiki, ibi bimbaho?"

Kandi, murabona, Avuga ati: "Icyo kigiye kugwira maze kigende kirushaho gukomera." Kandi Yamvugishirije kunyereka ko ari ko byagendekeye Yesu: ko Yari yaraje maze Akambara Imbaraga zashoboraga kumenya ibantu bitaraba, hanyuma Akavugisha umugore ku iriba: ko Atari agendereye kuba ukiza indwara, ko Yavugaga ko Yakoraga ibantu neza neza nk'uko Se yabimwerekaga.

Mvuga nti: "Mu by'ukuri, ubu ni buryo ki bw'umwuka?"

Avuga ati: "Yari Mwuka Wera."

Rero, hari icyabereye imbere muri njye: nasobanukiwe ko icyo nari nteye umugongo, ari cyo Imana yari yaranshyiriye hano. Kandi nasobanukiwe ko byari neza neza nka bariya bafarisayo ba kera, bari barampaye ibisobanuro bipfuye by'Ibyanditswe. Rero, uhoreye icyo gihe, nagize igisobanuro cyanje bwite cy'ibyo, icyo Mwuka Wera yabivugagaho.

Mubwira nti: "Nzagenda."

Avuga ati: "Nzabana nawe."

68 Maze Marayika yongera kwinjira mu Mucyo, wahise utangira kwizunguza, kwizunguza, kwizunguza, no kwizunguza nka Serwakira ahazengurutse ibirenge Bye, gutya, Yazamuwe mu Mucyo maze Asohoka mu cyumba. Natashye iwanjye ndi icyaremwe gishya.

Nagiye mu rusengero maze mbibwira abantu. Hari kucyumweru nimugoroba.

Kandi ku wa gatatu nimugoroba, hari umugore bazanye hariya, umwe mu baforomokazi b'ibitaro Mayo wari ugiye kwicwa na kanseri, yari asigaye ari igicucu cye bwite. Ubwo namanukaga ku gicaniro ngo mukoreho, nabonye iyerekwa, rimwerekana yarasubiye ku murimo, nk'umuforomokazi. Kandi ari ku rutonde, i Louisville, nk' "umaze imyaka n'imyaniko apfuye". Ni umuforamokazi i Jeffersonville none, ahamaze imyaka n'imyaniko ari umuforamokazi. Mu by'ukuri, nubuye amaso, maze mbona iyerekwa. Ndahindukira, no kumenya ibyo nakoraga ntibyari binyoroheye, mpagaze hariya; nabanje guhinda umushyitsi, ubwo bamunzaniraga bakanamurambika aho. Kandi abaforomokazi n'abandi bari bamuzengurutse, kandi yari arambaraye hariya, mu maso harashizemo n'amaso yarahenengeye.

69 Margie Morgan. Niba mushaka kumwandikira, abarizwa kuri numero 411, agahanda Knobloch, Jeffersonville, Indiana. Cyangwa mwandikire ibitaro Clark County, Jeffersonville, Indiana. Azabihera ubuhamya we ubwe.

Narebaga hariya. Kandi kubona ko, ku bw'icyo kibazo cya mbere, habonetse iyerekwa. Nabonye uwo mugore yasubiye ku murimo we nk'umuforomokazi, agendagenda, ari igisore kandi afite ubuzima buzira umuze. Mvuga nti: "NI KO UWITEKA AVUZE: 'Ntuzapfa, uzabaho!'"

Umugabo we, umuntu ukomeye mu mirimo yo muri iyi si, arandeba, atya. Mvuga nti: "Wa mugabo we, witinya! Umugore wawe azabaho."

A rampamagara anjyana hanze, ambwira... ahamagara abaganga babiri cyangwa batatu, avuga ati: "Waba ubazi?"

Mvuga nti: "Yego."

Avuga ati: "Mu by'ukuri, nakinanye na we golufu (golf). Yambwiye ko 'kanseri yari yarafashe ubura bwe, ko batanashoboraga kumwandikira umwino'."

Mvuga nti: "Icyo yaba arwaye cyose! Hari Ikiri imbere muri njye, nabonye iyerekwa! Kandi uwo Mugabo wamvugishije, Yambwiye ko najyaga kubona, ncyatura maze kikaba. Maze Arakimbwira hanyuma ndabyizera."

Icyubahiro kibe icy'Imana! Nyuma y'igihe gito, yaramesaga, yemye. Apima ibiro bibarirwa muri 74 ubungubu, afite ubuzima buzira umuze.

70 Rero, ubwo nemeraga, byari bihagije. Hanyuma Robert Daugherty arampamagara. None dore ngo birasakara, muri Tegizasi (Texas) no mu isi hose.

Kandi, umugoroba umwe, hari ku ncuro ya kane cyangwa ya gatanu... (Sinabashaga gusobanukirwa n'ibyo kuvuga mu ndimi n'ibindi. Nemera umubatizo wa Mwuka Wera, nemera ko abantu bashoboraga kuvuga mu ndimi.) Maze, umugoroba umwe, ubwo nateraga agatambwe muri katedarali imwe, i San Antonio, muri Texas, nateraga agatambwe hariya, maze umusore wari wicaye aho atangira kuvuga mu ndimi, yari nk'imbunda y'uruhi, cyangwa ahubwo nka mitarayeze, akabije umuvuduko. Inyuma, hariya inyuma, hari umugabo wahagurutse, maze avuga ati: "NI KO UWITEKA AVUZE! Umugabo werekeje ku gicaniro aragendana umurimo yashinzwe n'Imana Ishoborabyose. Kandi nk'uko Yohana Umubatiza yoherejwe kuba integuza y'Ukuza kwa mbere kwa Yesu Kristo, we, afite Ubutumwa buzateguriza Ukuza kwa kabiri k'Umwami Yesu Kristo."

Numvaga neza yandangije. Nubura amaso, mvuga nti: "Waba uzi uyu muntu?"

Avuga ati: "Oya, wa mugabo we."

Mvuga nti: "Waba umuzi?"

Avuga ati: "Oya, wa mugabo we."

Mvuga nti: "Waba unzi?"

Avuga ati: "Oya, wa mugabo we."

Mvuga nti: "Ukaba umara iki hano?"

Avuga ati: "Nabonye ibyo mu kinyamakuru." Kandi mu buture... Byari umugoroba wa mbere w'amateraniro.

Ndeba hariya, maze mvuga nti: "Waba warageze hano ute?"

Avuga ati: "Abagize umuryango wanje bambwiye ko wari ugiye kuboneka hano, 'umukiza w'indwara wa kimana', mbona kuza."

Mvuga nti: "Mwaba mutaziranye?"

Avuga ati: "Oya."

71 Mbega byiza! Ni bwo nabonye ko imbaraga za Mwuka Wera... Mu gihe mbere, igihe kimwe, nari natekereje ko cyari ikintu kibi, nari nzi ko na-... Uwo Marayika w'Imana yifatanyaga n'abo bantu bari bafite ibyo bintu. Ndetse, hari uburyarya n'ubuyobe bwinshi n'ibisa no kuvuga mu ndimi, hagati aho icyo gihe, hari n'icy'ukuri [ahatagira ijwi kuri bande-U.I.]... Kristo. Mbona ko ibyo - byari iby'ukuri.

Yoo, imyaka iratambuka, kandi mu materaniro, abantu babonaga, n'amayererekwa n'ibindi.

72 Igihe kimwe, gafotozi aragifotora, mu gihe nari ndi ahantu runaka muri Arkansas, ni ko ntekereza, mu materaniro ajya kumera nk'aya, mu cyumba kijya kumera nk'iki. Kandi nari aho, ngerageza gusobanura ibyo ari byo. Abantu bari bazi, bari bibereye aho gusa bateze amatwi, abametodisite, ababatisite, abaperesibiteriyani, n'abandi. Kandi ubwo, nk'uko narebaga mu kerekezo cy'umuryango, dore ngo Arinjira, Araza, Avuga ati: "Wuuuh... wuuuh!"

Mvuga nti: "Ntibikiri ngombwa kuvuga noneho, kuko ari nguyu Uhageze." Aregereye, maze abantu batangira kwiyamirira. Aza aho nari ndi, hanyuma Ahagarara aho.

Neza neza mu gihe Yahagararaga, umubwirizabutumwa umwe aza yirukanka, avuga ati: "Yemwe, mbonye Ibyo!" Kandi Yaramuhumye, ndetse rwose, maze ataha adandabirana. Mushobora kureba ifoto ye mu gitabo, yubitse umutwe, atya. Dushobora kubona ifoto ye.

Kandi ubwo, Yahagaze aho. Hari gafotozi w'ikinyamakuru wamufotoye wenylene icyo gihe. Arikio Uwiteka ntiyari yiteguye.

73 Kandi, umugoroba umwe, i Houston, muri Texas, mu gihe, yoo, ibihumbi n'ibihumbi by'abantu... Hari magana inani... ibihumbi munani, hariya, aho ntazi uko mwita, icyumba cya muzika (music-hall), maze tujya mu kibuga kinini Sam Houston.

Kandi aho, mu kiganiro-mpaka cyabaye muri uwo mugoroba, ubwo umubwirizabutumwa umwe w'umubatisite wavugaga ko ari nta kindi nari cyo uretse indyarya itagize icyo ivuze y'inyledini, ko bakagombye kummenesha mu murwa, kandi ko yakagombye kubyitaho ubwe.

Mwenedata Bosworth avuga ati: "Mwenedata Branham, waba ugiye kwemera ko ikintu nk'icyo kibaho? Hinyuza icyo kintu!"

Mvuga nti: "Oya, wa mugabo we. Sinemera intonganya. Ubutumwa Bwiza ntibwazanywe no kuba icyo bagira impaka no gutera intonganya, ahubwo Butubere ubuzima." Maze mvuga nti: "Uko wamwemeza kose, yakomeza muri iyo nzira." Mvuga nti: "Ya-... nta cyo byamuhinduraho. Niba Imana idashaka kuvugisha umutima we, nabishoboza iki, njye?"

74 Mu nkuru ya bukeye bw'aho, hari handitse ngo: "Bigaragaza icyo bari cyo", Houston Chronicle. Hari handitse ngo: "Bigaragaza icyo bari cyo, batinya kurengera icyo babwiriza."

Mwenedata ushaje Bosworth yaje kundeba, yari afite imyaka 70 y'amavuko icyo gihe, mwenedata w'umusaza w'umunyagikundiro, azengurutsa ibitugu byanje ukuboko kwe, avuga ati: "Mwenedata Branham, waba ushaka kuvuga ko utari bubahinyuze?"

Mvuga nti: "Ashwi, Mwenedata Bosworth. Oya, wa mugabo we. Sindi bubahinyuze."

Mvuga nti: "Nta cyo bimaze." Mvuga nti: "Nta kindi byamara usibye guteza intonganya ku gicaniro." Mvuga nti: "Ndabwiriza mu rwunge rw'ibiterane ubungubu, kandi sinshaka kwangiza ibintu burundi aka kageni." Mvuga nti: "Mwihorere. Nta kindi, arasakuza byonyine. Abantu nka bariya tumaze kubabona, kandi nta cyo bimaze kubavugisha. Bagiye gutaha kandi ari nta cyo batahanye." Mvuga nti: "Iyo bamaze kumenya Ukuri, iyo banze kukwakira, ni bwo Bibiliya ivuga ko barenze umurongo nyirantarengwa utandukanya imbabazi no kurimbuka, bakaba batagitez kuzababarirwa, habe none, habe no mu gihe kizaza. Ibyo babyita 'ibya Satani', kandi ntibashobora kubyibuza. Babaswe n'umwuka wa kinyedini, ari wo Satani."

Ni bangache bazi ko ari iby'ukuri, ko umwuka wa dayimoni ari umunyedini? Yego wa mugabo we, umufondamantalisite uko bishoboka. Rero, ibyo ntibyagenze neza cyane, ubwo navugaga ngo "fondamantalisite", arikio ni iby'ukuri. "Bagira ishusho yo kwera arikio bagahakana Imbaraga zako." Ni byo. Ni ibimenyetso n'ibitangaza bihamya Imana, ibihe byose. Kandi Yavuze ko ari ko byajyaga kumera mu bihe bya nyuma. Kandi mwitegerez!

75 Mwenedata w'umusaza Bosworth, nda-... yagombaga kuza aho ndi, arikio yari ananiwe buhoro. Akubutse mu Buyapani. Yagombaga kuba ari hano. Tuzaba turi kumwe i Lubbock. Rero, yari... yari arwaye ibicurane bikaze, akaba ari na yo mpamvu atashoboye kuboneka hano kuri iyi ncuro, we n'umugore we. Rero. Ya-...

Bose basanze yarasaga na Kalebu. Yahagaze hariya, avuga ati: "Mu by'ukuri, Mwenedata Branham." (n'iyo shusho ikwiye cyane, murabizi), avuga ati: "Ndeka njyeyo, niba udashaka kubikora."

Mvuga nti: "Yoo, Mwenedata Bosworth, sinshaka ko ujyayo. Ugiye kwikururira intonganya." Avuga ati: "Nta jambo na rito ry'intonganya riri buhabe."

Noneho, mbere yo gusoza, tega ibi amatwi. Yagiye hariya. Mvuga nti: "Ni mudatongana, nta kibazo."

Avuga ati: "Ngusezeranje kudatongana."

76 Abantu bakabakaba ibihumbi mirongo itatu bari bateraniye muri icyo cyumba. Mwenedata Wood, wicaye hano, yari ahari icyo gihe, yari yicaye muri icyo cyumba. Kandi na...

Umuhungu wanje cyangwa... Umugore wanje ambwira ati: "Nturi bujye muri ariya materaniro?"

Mvuga nti: "Oya! Sindi bujyeyo kumva aho batongana. Habe na busa. Sindi bujyeyo kumva ibyo."

Bugorobye, hari Icyambwiye kiti: "Jyayo."

Mfata tagisi, mwenedata, umugore wanje n'abana banje, tujyayo. Nzamuka hejuru, ku rubaraza rwa 30, hejuru cyane, gutyo, maze ndicara.

77 Mwenedata w'umusaza Bosworth atera agatambwe hariya, nk'umusaza w'umudipolomate, murabizi. Yari yandukuye... Yari afite amasezerano 600 yo muri Bibiliya yari yandukuye. Avuga ati: "Ni byiza, Dogoteri Best, niba ushaka kuza ugafata rimwe muri aya masezerano maze ukerekana ko atari iry'ukuri ukoresheje Bibiliya. Aya masezerano yose, ari muri Bibiliya avuga ko Yesu Kristo akiza indwara none. Ni ushobora gufata rimwe gusa, mu masezerano, kandi, wifashishiye Bibiliya, ukarinyomoza ukoresheje Bibiliya, ndi bwicare, ngukore mu ntoke, mvuge nti: 'Uri mu kuri.'"

Avuga ati: "Ndi bubyiteho ni nzamuka ku gicaniro!" Yashakaga guheruka mu kubivugaho, kugira ngo ashobore gukoza mwenedata Bosworth isoni, murabona.

78 Rero, mwenedata Bosworth avuga ati: "Mu by'ukuri, Mwenedata Best, ngiye kugira icyo nkubaza, kandi ni unsubirisha 'yego' cyangwa 'oya', turahita dushyira iherezo ku kiganiro-mpaka."

Hanyuma avuga ati: "Ngiye kubyitaho!"

Abaza umuyobozi niba yarashoboraga kukimubaza. Uyu avuga ati: "Yego."

Avuga ati: "Mwenedata Best, amazina ya Yehova arebana no gucungurwa yaba ari aya Yesu? 'Yego' cyangwa 'oya'?"

Cyari gikemutse. Byari bitunganye. Ndabibabwiye, numvise byonyine hari ikintashyemo. Nari ntarabitekereza ubwanje, murabona. Maze nibwira nti: "Mbega byiza, ntashobora gusubiza! Ibiganza bye biraboshye."

Avuga ati: "Mu by'ukuri, Dogiteri Best, ndumiwe."

Avuga ati: "Ngiye kubyitaho!"

Avuga ati: "Ntangajwe no kubona ko udashoboye gusubiza ikibazo cyanje gihebuje ibindi koroha." Yari afite ishema n'isheja, yari aho ahagaze. Rero, ariyicarira byonyine, hariya, hamwe n'icyo Cyanditswe. Avuga ati: "fata iminota yawe 30, ndasubiza nyuma!"

79 Kandi mwenedata w'umusaza Bosworth yari yicaye hariya, afata Icyanditswe maze akibohesha uwo mugabo cyane ku buryo mu maso he hahindutse umutuku hakaba hahita hatsa umwambi w'ikibiriti ubaye uwuhakojeje byonyine.

Ahaguruka aho, arakaye, ajugunya impapuro hasi, azamuka ku gicaniro maze abwiriza ikibwiriza kiza cya gikambelite (campbellite). Nari umubatisite, nzi imyizerere yabo. Ntiyigeze... Yabwirizaga iby'izuka ati: "'Ubwo uyu mubiri upfa uzambikwa kudapfa', ni bwo tuzabona gukira indwara kwa kimana." Mbega akumiro! Twaba tugikeneye uguvara indwara kwa kimana mu gihe tutagipfa ("ubwo uyu mubiri wapfaga uzaba wambitswe kudapfa", izuka ry'abapfuye)? Yanashidikanije igitangaza Yesu yakoreye Lazaro, avuga ati: "Yongeye gupfa, cyari ikintu cy'agahe gato." Murabona?

80 Kandi ubwo yasozaga, atyo, yavuze ati: "Nimunzanire uwo mukizandwara wa kimana, ndebe aho agira icyo akora!"

Rero, bagira intonganya nkeya. Mwenedata Bosworth avuga ati: "Sinari ngutezeho ibyo, mwenedata Best, nta na kimwe washubije mu bibazo byanje."

Rero, ararakara by'ukuri, avuga ati: "Nimunzanire uwo mukizandwara wa kimana, ndebe aho agira

icyo akora!"

Avuga ati: "Mwenedata Best, waba wizera ko abantu bashobora gukizwa?"

Avuga ati; "Nta shiti!"

Avuga ati: "Waba ushaka ko bakwita umukizandwara wa kimana?"

Avuga ati: "Oya bidashidikanywa!"

"Bitarenze... N'ubwo wabwiriza agakiza k'ubugingo, ntibikugira umukiza wa kimana."

Avuga ati: "Mu by'ukuri, habe na busa!"

Avuga ati: "N'ubwo yabwiriza gukira indwara kwa kimana, mwenedata Branham ntibimugira umukizandwara wa kimana. Si umukizandwara wa kimana, ayobora kuri Yesu Kristo byonyine."

Maze avuga ati: "Nimumunzanire, ndebe aho agira icyo akora! Muzongere kunyereka abo bantu nyuma y'umwaka, ni bwo nzababwira ko mbyizera cyangwa ntabyizera."

Mwenedata Bosworth avuga ati: "Mwenedata Best, birasa no kumusubiza i Kaluvari: 'Imanure ku musaraba, tubone kukwizera.'" Murabona?

81 Rero, buriya, yoo, yaratwawe by'ukuri. Avuga ati: "Ndebe aho agira icyo akora! Ndebe aho agira icyo akora!" Abayoboraga baramwicaza. Atera agatambwe, umubwirizabutumwa w'umupantekote yari ahagaze hariya, maze habura uwamwishimira impande zose z'igicaniro. Rero, baramuhagarika. (Rero, mwenedata Bosworth yavugaga ati: "He, he! oya, oya.") Rero, abayoboraga baramwicaza.

Raymond Richey arahaguruka, avuga ati: "Iyo ni yo myitwarire ya Southern Baptist Convention?" Avuga ati: "Mwebwe, ababwirizabutumwa b'ababatisite, mbese yaba ari Southern Baptist Convention yohereje uyu muntu hano, cyangwa yaje ku giti cye?" Ntibashakaga gusubiza. Avuga ati: "Nababajije ikibazo!" Yari abazi bose.

Bavuga bati: "Yaje ku giti cye." Mu by'ukuri, nzi ko ababatisite na bo bemera ko Imana ikiza indwara. Rero, avuga ati: "Yaje ku giti cye."

82 Rero, dore icyakurikiyeho. Hanyuma, Mwenedata Bosworth avuga ati: "Nzi ko mwenedata Branham ari mu iteraniro, niba ashaka kuza guhumuza amateraniro, ni byiza cyane."

Rero, Howard avuga ati: "Guma wicaye!"

Mvuga nti: "Ndaguma nicaye."

Muri ako kanya, hari Ikintu cyaje aho, gitangira kwizunguza, nari nzi ko ari Marayika w'Uwiteka, Avuga ati: "Haguruka!"

Abantu bakabakaba magana atanu bahuza ibiganza batya, bancira inzira, ndamanuka maze njya ku gicaniro.

Mvuga nti: "Ncuti zanje, sindi umukizandwara wa kimana. Ndi mweneso." Mvuga nti: "Mwenedata Best, simvugiye ibyo..." Cyangwa: "Mwenedata Best, simvugiye ibyo kutakubaha, mwenedata, habe na busa. Ufite uburenganzira bwo kugira imyumbire yawe, nanje." Mvuga nti: "Uranyumve neza, urabona ko utashoboye kwerekana ibyo wavugaga, imbere ya mwenedata Bosworth. Nta n'ibyo washobora imbere y'umuntu wize Bibiliya kandi uzi ibyo bintu." Mvuga nti: "Naho ku birebana no gukiza indwara z'abantu, sinshobora kuzikiza, Mwenedata Best. Ariko ndi hano buri mugoroba: niba ushaka kubona aho Uwiteka akora ibitangaza, ngo ino. Arabikora buri mugoroba."

Avuga ati: "Nifuzaga kubona hari uwo ukijije, maze bakandeka nkabasuzuma! Ushobora kumutwara n'itwara ryawe, ariko nifuzaga kubabona nyuma y'umwaka!"

Mvuga nti: "Mu by'ukuri, ufite uburenganzira bwo gusuzuma, Mwenedata Best."

83 Avuga ati: "Nta bandi babyizera usibye iryo tsinda ry'ibigoryi n'abanyabikabyo. Ababatisite ntibashobora kwizera ubugoryi nk'ubwo."

Mwenedata Bosworth avuga ati: "Akanya gato. Ni bangahé muri iri teraniro muri ibi byumweru bibiri, babarizwa muri izi nsengero nziza z'ababatisite za Houston, mushobora guhamya ko Imana Ishoborabyose yabakijije uburwayi mu gihe mwenedata Branham yari ari hano?" Maze abarenga 300 barahaguruka. Avuga ati: "Ibi urabivugaho iki?"

Avuga ati: "Si ababatisite!" Avuga ati: "Uwo ari we wese ashobora guhamya icyo ashatse, kandi atari icy'ukuri!"

Avuga ati: "Ijambo ry'Imana rivuga ko ari iby'ukuri, kandi ntushobora kubihakana. Abantu bavuga ko ari iby'ukuri, kandi ntushobora kubibeshyuza. Rero, ugiye gukora iki?" Urabona, utyo.

84 Mvuga nti: "Mwenedata Best, byonyine mvuga Ukuri. Kandi niba mvuga Ukuri, bibereye Imana ngombwa gushygikira Ukuri." Mvuga nti: "Ibaye ida.... Ni Idashygikira Ukuri, Izaba atari Imana." Maze mvuga nti: "Sinkiza abantu. Navukanye impano yo kubona ibantu, yo kubona bisohora." Mvuga nti: "Nzi ko ari ntawe nasobanukiye, ariko nta kundi nagira uretse kugendera mu byo umutima wanje wemera." Mvuga nti: "Nizera ko Yesu Kristo yazutse mu bapfuye. Kandi, niba Mwuka aje kandi Akatwereka amayerekwa n'ibindi, niba ari ibyo bishidikanywaho, ngo ino uzenguruke incuro imwe kugira ngo urebe ibyo ari byo." Mvuga nti: "Ngibyo." Ahubwo, mvuga nti: "Ahubwo, ku bwanje, nta cyo nakwishoboza." Mvuga nti: "Ni mvuga Ukuri, Imana birayibera ngombwa gushygikira ibyo navuze ko ari iby'Ukuri."

Kandi nko mu gihe kimwe, hari Icyavuze kitu: "Wuuuh!" Yaraje, nta gushidikanya ko Yamanutse. Kandi ishyirahamwe nyamerika rya ba gafotozi, za Studios Douglas z'i Houston, muri Texas, bari bashinze imashini ifotora nini yabo (birabujije gufotora), barafotora.

85 Ubwo bari aho ngo bafate amafoto ya M. Best, mbere y'uko manuka hariya, yavuze ati: "Akanya gato! Mugomba kumfata amafoto atandatu!" Avuga ati: "Umva, fata ifoto yanje noneho!" Maze ashira urutoke rwe ku zuru ry'uwo mugabo wera, atya, avuga ati: "Noneho fata ifoto yanje!" Maze barayifata. Hanyuma afunga igipfunsi maze arakizamura, avuga ati: "Noneho fata ifoto yanje!" Maze barayifata batya. Hanyuma, agira atya, arifotoza. Avuga ati: "Mugiye kubibona mu kinyamakuru cyanje!", gutya.

Mwenedata Bosworth yigumiye aho ari nta cyo avuga. Hanyuma, byonyine bafata ifoto y'Icyo.

86 Mu gutaha muri uriya mugoroba (yari umwana w'umuhungu w'umugatolika wari wayifashe), abwira uwo mwana w'umuhungu wundi, avuga ati: "Urabitekerezaho iki?"

Avuga ati: "Nzi ko namuneguye. Ubwo umwingo warigitiraga mu muhogo w'uriya mugore, navuze ko yari yamutwaye." Avuga ati: "Nshobora kuba narabyibeshyeho."

Avuga ati: "Iyi foto, urayivugaho iki?"

-"Nta byo nzi."

Bayinika muri aside. Dore ifoto yafashe, ushobora kumubaza iki kibazo, ubaye ubishatse. Baratashye: yicara hariya maze adomeka isegereti. Arahindukira maze asohora imwe ya mwenedata Bosworth, nta cyariho. Asohora ebyiri, eshatu, enye, eshanu, esheshatu, kandi nta n'imwe muri zo yagiraga ikiyibaho. Imana ntiyemeye ko umuntu Wayo afotorwa, uwo musaza wuje ukwera, mu gihe yari ari hariya, hamwe n'iriya ndyarya yari yamushyize igipfunsi ku zuru, itya. Nta byo Yemeye.

Basohora ikurukiye, kandi ya Nkingi y'Umuriro yari ihari. Uwo mugabo yahise afatwa n'uburwayi bw'umutima, abitewe n'ibyo bavuze, muri iryo joro.

Maze bohereza iyo negatifu i Washington DC. Basigayo copyright, maze barayigarura.

87 Hanyuma George J. Lacy, umuyobozi w'ibiro bishinzwe kugenzura ibikumwe n'ibihangano, n'ibindi, bya FBI, umwe mu b'ibirangirire bigeze kuboneka mu isi yose, barayimuzaniye maze ayimarahi iminsi ibiri, ngo agenzure iyo mashini ifotora, imicyo n'ibindi. Kandi ubwo twahageraga, muri kiriya gicamunsi, yavuze ati: "Nyakubawa Branham, nanje narakuneguye." Avuga ati: "Kandi navuze ko byari busikolojiya; hari uwavugaga ko yabonye iyo Micyo n'ibantu nk'ibyo." Avuga ati: "Urabizi, ya ndyarya ishaje yavugaga ibyo." (Yavugaga umutizera), "ko 'ayo mashusho azengurutse, ko urwo rukubo rw'umucyo ruzengurutse Kristo, ruzengurutse abera,' yavugaga ko 'byari busikolojiya yambaye ubusa'." Ariko, avuga ati: "Nyakubawa Branham, ijisho ry'iyo mashini ifotora ntirishobora gukurura busikolojiya! Hari Umucyo wakubise kuri negatifu, none Warishushanje hariya." Hanyuma avuga...

Narabibahaye. Avuga ati: "Wa mugabo we, waba uzi agaciro kabyo?" Maze mvuga nti: "Si ibyanje, mwenedata, si ibyanje." Rero, avuga...

Mu buture, icyo nshaka kuvuga nta bwo kizaba ukiriho, ariko igihe kimwe, igihe cyose imperuka izaba itaraba kandi ubukristo bukazaba bukiriho, hari ikizaba kuri iyi foto.

88 Rero, ncuti zanje, muri uyu mugoroba, niba ari bwo bwa nyuma tubonaniye kuri iyi si, wowe na njye, twahuriye mu Bwiza bw'Imana Ishoborabyose. Ubuhamya bwanje ni ubw'ukuri. Hari ibantu byinshi, hari hakwiye ibitabo byinshi byo kwandikamo ibyo, ariko ndashaka ko mumenza.

Ni bangahe hano babonye (mbere yo kubona iyo foto) uwo Mucyo Ubwawo, iruhande rw'aho nabwiririzaga? Nimuzamure ikiganza, hose mu cyumba, abamaze kuwubona mwese. Murabona, hari wenda ibiganza 8 cyangwa 10, by'abantu bicaye hano.

Muzavuga muti: "Byaba bishoboka ko bo bawubona naho njye sinywubone?" Yego wa mugabo we.

Iriya nyenyeri abanyabwenge bakurikiraga, Yanyuze hejuru y'ibyuma by'abashakashatsi byose, ariko ntawe undi wayibonye, ni bo bonyine. Ni bo bonyine bayibonye.

89 Elisa yari hariya, yabonaga ariya mafarashi y'umuriro, n'ibindi. Kandi Gehazi yarebaga hose, nta ho yashoboraga kubibona. Imana yavuze iti: "Mumpumurire amaso, kugira ngo abone." Hanyuma, arabibona, murabona. Ariko yari umuhungu mwiza, yari hariya, areba ahamuzengurutse, ariko ntiyashoboraga kubibona. Nta shiti. Byahawe bamwe kubona, bisiba abandi. Ni ukuri.

Ariko noneho, mwebwe mutari mwawubona, abatarawubona, na mwe mumaze kuwubonesha ijisho ryanyu risanzwe ariko mukaba mutarabona ifoto, nyamara ababona ifoto bafite igihamya kiruse icyanyu abawubonesheje ijisho risanzwe. Mu by'ukuri, ijisho risanzwe rishobora kugushuka, wasanga ari ikintu cya baringa wabonye. Si byo? Ariko Icyo, si ikintu cya baringa, ni Ikintu cy'Ukuri, ubushakashatsi buhamya ko ari Icy'Ukuri. Rero, Umwami Yesu ni We washohoje ibi.

"Utekereza ko Cyaba ari iki, Mwenedata Branham?"

90 Nizera ko ari ya Nkingi y'Umuriro yakuye abana ba Isirayeli mu Egiputa ikabageza muri Palesitina. Nizera ko ari wa Marayika w'Umucyo winjiye muri gereza, maze Agasanga Petero wera, Akamukoraho, kandi Akajya gukingura urugi hanyuma Akamusohora hanze, mu mucyo. Kandi nizera ko uko Yesu Kristo yari ari ejo, n'uyu munsi ari ko Akiri kandi akaba ari ko Azahora iteka ryose. Amina! Aracyari Yesu umwe odateze guhinduka.

Mu gihe ndiho mbivugaho, uwo Mucyo umwe uri ku ifoto uri ku... ntugeza no kuri santimetero 60 z'aho ndi hano ubungubu. Ni byo. Sinshobora kuwubonesha amaso yanje, ariko nzi ko Uri hano. Nzi ko Uriho unyinjiramo none aha. Yoo! Iyo aba nibura mwashoboraga kumenya ikinyuranyo bitera, iyo imbaraga z'Imana Ishoborabyose zikora, n'uburyo ibantu bihindura isura!

91 Ni ighinyuza cya bose. Nta gahunda nari mfite yo gusengera abarwayi, nari ngiye kongera kwegurira Imana abantu. Ariko iyerekwa riri hariya, hejuru y'abantu. Yego, yego. Bizwi n'Imana. Nta bwo ngiye guhamagara umurongo w'abasengerwa, ngiye kubarekera aho mwicaye aho. Ni bangahe muri mwe badafite udukarita tw'abasengerwa? Nimuzamure ikiganza. Hari udafite agakarita k'abasengerwa, ni nde utagafite?

Uyu mugore w'umwiraburakazi wicaye hano, ndabona ko wari wazamuye ibiganza. Byaba ari byo? Haguruka akanya gato kugira mbashe kutakwitiranya n'abandi. Sinzi icyo Mwuka Wera ari buvuge, ariko urandebana ubunyakuri bwinshi. Nta gakarita k'abasengerwa ufite? Niba Imana Ishoborabyose impishuriye icyo ikibazo cyawe ari cyo... Nkoze ibi kugira ngo ntangire ibi, ni ukugira ngo ntangire gusa. Mwaba mwizeye ko ndi... Muzi ko ari nta... ko ari nta kiza na gito kimbamo habe na busa. Niba uri umugore wubatse, ndi umugabo nk'uwawe, nta cyo murusha. Ndi umugabo byonyine. Ariko Yesu Kristo ni Umwana w'Imana, kandi Yohereje Mwuka We ngo Ahamye ibyo bintu.

Niba Imana imbwiye icyo urwaye (kandi uzi ko ari nta buryo na busa mfite bwo gusabana nawe), uri bwizere, n'umutima wawe wose? [Mushiki wacu agira icyo avuga.-U.I.] Imana iguhe umugisha. Rero, umuvuduko wawe w'amaraso wibuze. Ni cyo kibazo wari ufite, si byo? Rero, iyicarire.

Byizere byonyine incuro imwe! Ngiriye inama buri wese kubyizera.

92 Nimutege ibi amatwi, hari icyo ngiye kubabwira. Marita, ubwo yasangaga Umwami Yesu. Iyo mpano ntiyajyaga gukora... Nyuma y'aho Data amwerekeye icyo Yari agiye gukora. Nta cyo Aba yarakoze. Ariko yavuze ati: "Mwami, nda-... Iyo Ujya kuba hano, musaza wanje ntaba yarapfuye." Avuga ati: "Ariko nzi ko none aha, icyo Uri busabe Imana cyose, Imana iri bukiguhe."

Avuga ati: "Ni Njye Zuka n'Ubugingo. Unyizera azabaho, kabone n'ubwo yaba yarapfuye; kandi uraho wese akaba anyizera ntateze gupfa. Waba wizeye ibyo?"

Nimwumve icyo yavuze. Avuga ati: "Yego, Mwami. Nizera ko ibyo Wavuze byose ari Ukuri. Nizera ko Uri Umwana w'Imana, wagombaga kuza mu isi." Ni bwo bwari uburyo bwo kwegera, Yiyoroheje. Ntiwaba wiyumva kimwe, si byo, wa mugore we? Yego. Ni byo.

93 Uriya mugore mugufi na we, uwicaye hariya, iruhande rwawe, arwaye rubagimpande n'ikibazo cya kigore. Si byo? None dore ikintu runaka mu buzima bwawe (ufite indoro nziza, y'inyakuri): ufite ibibazo byinshi mu buzima bwawe. Kandi ibyo bibazo biterwa n'uwo ukunda. Ni umugabo wawe: ni umusinzi. Ntashaka kujya ku rusengero. Niba ari iby'ukuri, zamura ikiganza. Imana iguhe umugisha, wa mugore we. Itahire noneho, hanyuma wakire umugisha wawe. Wakize, noneho hari umucyo ukugose.

94 Umugabo umwicaye iruhande. Wa mugabo we, waba wizera? [Mwenedata avuga ati: "Yego, ndizera."] N'umutima wawe wose? [Yego, wa mugabo we.] Watakaje kimwe mu byumviro byawe. Ni ukunukirwa. Ni ukuri, si byo? Niba ari ukuri, byerekanshe ikiganza. [Ni byo.] Shyira ikiganza ku munwa, utya, vuga uti: "Mwami Yesu, Ndakwizeye n'umutima wanje wose." [Mwenedata avuga ati: "Mwami

Yesu, ndakwizeye n'umutima wanjye wose."-U.I.] Imana iguhe umugisha. Itahire noneho, kandi uri buhabwe gukira kwawe.

Izere Imana! Murabitekerezaho iki, mwebwe mwese, abari hariya, inyuma? Mwaba mwizeye? Mugire akubaho!

Hari umugore wicaye inyuma, hariya, mu nguni. Ndabona Umucyo uri hejuru ye. Ni bwo buryo bwonyine mfite bwo kumenya ibyo ari byo, mbikesha uriya Mucyo uri hejuru ye. Uyu Mucyo uri hano hejuru y'uju mugore. Wenda mu kanya gato, mbaye nshoboye kubona ibyo ari byo. Hari bube... Uyu mugore arwaye umutima. Arantumbiriye.

Kandi umugabo we amwicaye iruhande. Kandi umugabo we arwaye... ararwaye byonyine. Si byo, wa mugabo we? Zamura ibiganza niba ari iby'ukuri. Ni ibyo, wa mugore we, uri hariya ufite agatambaro. Wa mugabo we, ni ukuri, si byo? Warwaye buhoro uyu munsi, si byo? Ufite igifu kivumbagatanije: wa mugabo we. Ni byo.

Waba wizeye n'umutima wawe wose, mwembi? Waba umwizeye? Wa mugabo we, ngiye kukubwira, nawe, ndakubona (wowe wazamuye ikiganza), uri umunywi w'itabi. Rireke. Unywa ikigoma, wakagombye kutabikora, ni byo bigutera uburwayi. Si byo? Niba ari ukuri, zamura ikiganza. Ni cyo kigutera uburwayi. Ni bibi ku myakura. Jugunya icyo cyago, kandi ntukagisubireho, kandi uzagikira, uzamererwa neza, hanyuma uburwayi bw'umutima wari ufite buzakira. Waba ubyzera? Ni ukuri, si byo? Sinkubona, kandi urabizi, ariko ufite ibigoma... mu mufuka wawe w'imbere. Ni byo. Bivanemo, maze ushyire ikiganza cyawe ku mugore wawe, ubwire Imana ko utacyongeye gukora kuri ibyo bintu ukundi, kandi uri butahe wakize, wowe n'umugore wawe, murasubirana ubuzima buzira umuze. Hashimwe Izina ry'Umwami Yesu!

Waba wizera n'umutima wawe wose?

95 Uyu mugore mugofi wicaye hano, undeba. Wowe, ku... ku ntebe za mbere, yicaye hano. Umugore mugofi ufite... undeba, wicaye hano. Ntu-... Waba ufite agakarita k'abasengerwa, wa mugore we, uri hano? Nta gakarita k'abasengerwa ufite? Waba wizeye n'umutima wawe wose? Waba wizeye ko Yesu Kristo ashobora kugukiza?

Ubitekerezaho iki, wowe, umwicaye iruhande? Waba ufite agakarita k'abasengerwa, wa mugore we? Nta ko ufite? Waba ushaka gusubirana ubuzima buzira umuze, nawe? Ntiwaba ushaka kongera kurya nka kera, kuba utacyongeye kugira ikibazo cy'igifu ukundi? Waba wizeye ko Yesu agukijije none aha? Haguruka niba wizeye ko Yesu Kristo yagukijije. Wari ufite igisebe cyo mu gifu, si byo? Byatewe n'umushiha. Hashize ighi kirekire ufite ikibazo cy'umushiha. Cyane cyane ikibazo cy'aside, n'ibindi, cyangwa, ndashaka kuvuga, bitera aside, bitera ubushagarira mu meno iyo ibyo mu gifu bikugarutse mu kanwa. Ni ukuri. Yego wa mugabo we. Ni igisebe cyo mu gifu, cyari kiri mu ndiba y'igifu cyawe. Birakotsa rimwe na rimwe umaze kurya, cyane cyane umugati wokanijwe amavuta y'inka. Si byo? Sinsoma ibitekerezaho byawe, ahubwo Mwuka Wera nta kimusoba. Noneho wakize. Itahire, kira.

96 Nawe, hariya inyuma, muri iki kerekezo? Bamwe muri mwe, hariya, badafite udukarita tw'abasengerwa, nimuzamure ikiganza. Udafite agakarita k'abasengerwa. Ni byiza cyane, gira akubaho, izere n'umutima wawe wose. Namwe, bantu muri ku rubaraza? Nimwizere Imana.

Sinabyikoresha ubwanjye, ni ubuntu Bwayo bwonyine buganje. Waba wizeye? Nshobora byonyine kubivuga ari uko Ibinyeretse. Ari uko ukwizera kwawe... Mbivugiye kunyeganyeza ukwizera kwawe, hanyuma ndabona icyerekezo Inyoboramo. Waba warasobanukiwe ko hano Atari mweneso? Uri mu Bwiza Bwayo. Si njye ukora ibi, ni ukwizera kwawe kuyikoresha. Sinshobora kuyikoresha. Ni ukwizera kwawe kubikora. Nta buryo na busa ngira bwo kuyikoresha. Mpa akanya gato.

97 Muri iyi mfuruka, ndabona umugabo w'umwirabura uhicaye, ukuze, yambaye amadarubindi. Waba ufite agakarita k'abasengerwa, wa mugabo we? Haguruka akanya gato? Waba wizera ko ndi umugaragu w'Imana, n'umutima wawe wose? Uratekerezaho ku wundi, si byo? Niba ari iby'ukuri, zamura ikiganza. Si njye nyirabayazana, mwenedata. Noneho, nta gakarita k'abasengerwa ufite. Nta bundi buryo na busa wabona bwo kugera mu murongo, kuko udafite agakarita k'abasengerwa. Noneho, niba muri mwe hari abafite udukarita tw'abasengerwa, ntimuhaguruke, murabona, kuko muri bubone amahirwe yo kuza mu murongo.

Ahubwo ndabona uwo Mucyo uri hejuru ye. Iyerekwa ntiryari ryaza. Sinshobora kugukiza, mwenedata, nta byo nshoboye. Imana yonyine ni Yo ibishobora. Ariko ufite ukwizera. Urizera. Kandi hari ikibitera, mu buryo runaka.

Niba Imana Ishoborabyose ibwiye uyu mugabo icyo ikibazo cye ari cyo, mwebwe, mwaba muri bwakire ugukira kwanyu? Dore umugabo, ari muri metero 10 cyangwa 15 zanje, mu buryo butunganye, kandi ni bwo bwa mbere namubona mu buzima bwanjye. Ni umugabo mbona hariya gusa. Niba Imana Ishoborabyose ihishuye ikitagenda kuri uriya mugabo, buri wese muri mwe yakagombye kuva hano afite ubuzima buzira umuze. Ni iki Imana yakongeraho? Si byo?

98 Wa mugabo we, si wowe utagenda. Uri umunyantegenke. Ugomba kubyuka buhoro ninjoro, porositate n'ibindi, ariko si ikibazo cyawe. Ikibazo cyawe, ni umuhungu wawe. Kandi umuhungu wawe ari mu kigo runaka cya Leta, arimo babiri. Si byo? Zamura ikiganza, niba ari iby'ukuri. Ni ukuri kudashidikanya.

Ni bangahe noneho bizera ko Yesu Kristo, Umwana w'Imana, ari hano? Duhaguruke, tumuhimbaze, kandi twakire gukira kwacu.

Mana Ushoborabyose, Muhanzi w'Ubugingo, Mutanzi w'impano nziza yose, Uri hano, Umwami Yesu Kristo udateze guhinduka.

Kandi, Satani, washutse aba bantu igihe kirekire bihagije, bavemo! Ndagutongereye mu Izina ry'Imana nzima, iri hano ubungubu mu ishusho y'Inkingi y'Umuriro, va muri aba bantu! Basohokemo mu Izina rya Yesu Kristo!

Buri wese muri mwe, zamura ikiganza maze uhimbaze Imana, kandi wakire ugukira kwawe, buri wese.



[www.messagehub.info](http://www.messagehub.info)

Ibibwiriza bya  
**William Marrion Branham**  
"...mu minsi y'ijwi ..." Ibyah. 10:7